



唐類函

五十四

黍	稷	稻	禾	菑	種	穀	五穀部	酒	食物部
藥	藥部	儲蓄	拾振	糠	米	麥	麻	豆	菜
菖蒲	薯蕷	菜苾	天门冬	款冬	女蘿	兔絲	百合	芍藥	宜青
薺	葵	菜蔬	槐子	黃連	合歡	菜萁	益智	檉柳	木
									果部
					柑	梨	梅	桃	李
									葱

卷六十一

13  
2413  
54



13  
2413  
54

唐類函卷二百七十九

明東吳俞安期彙纂

明梁谿秦 竣校訂

食物部四

酒

○酒一藝文類聚

古史考曰古有醴酪禹時儀狄作酒 毛詩曰為此  
春酒以介眉壽 又曰魚麗於罍鱣鯉君子有酒旨  
且多 又曰為酒為醴烝畀祖妣以洽百禮有飶其  
香邦家之光有淑其馨胡考之寧 周禮曰酒人共  
賓客之禮酒飲酒而奉之酒正 又曰飲用六清注

勿

六三三九

酒

曰六清水漿醴醕醬醢 禮記曰先王為酒醴一獻之禮賓主百拜終日飲酒而不得醉焉此先王之所以備酒禍也 又曰飲酒之節朝不廢朝暮不廢夕左傳曰鄭伯有嗜酒為窟室而夜飲酒擊鐘焉朝至未已朝者曰公焉在 又曰穀陽豎獻飲於子反子反飲之而醉不能見楚子遂宵遁敗楚軍也 又曰晉侯以齊侯宴中行穆子相投壺晉侯先穆子曰有酒如淮有肉如坻寡君中此為諸侯師中之齊侯舉矢曰有酒如澠有肉如陵寡人中此與君代興亦中之 又曰晉楚戰於鄢陵晉使行人執榼承飲造

于子重曰寡君乏使鍼御持矛是以不得犒從者使其攝飲子重曰夫子嘗與吾言於楚必是故也不亦識乎受而飲之免使者而復鼓 春秋元命苞曰酒旗主上尊酒所以侑神也 王孫子新書曰楚莊王攻宋厨有臭肉樽有敗酒將軍子重諫曰今君厨肉臭而不可食樽酒敗而不可飲而三軍之士皆有饑色欲以勝敵不亦難乎莊王曰請有酒授之士有食饋之賢 孔叢子曰平原君與子高飲強子高酒曰昔有遺諺堯舜千鍾孔子百觚子路嗑嗑尚飲百榼古之賢聖無不能飲吾子何辭焉子高曰以予所聞

聖賢以道德兼人未聞以飲也平原君曰即如先生  
言則此言何生子高曰生於嗜酒者蓋其勸勵之辭  
非實然也抱朴子曰麟鳳洲以玉泉為醪醴呂  
氏春秋曰肥肉厚酒務以相強命曰爛腸之食又  
曰句踐欲深得民心肥甘弗敢自御有酒流之於江  
與民同之郭子曰三日不飲酒覺形神不復和酒  
自引入入勝地耳鄭子云劉真長曰見何幼道飲  
酒人傾家釀何惟字幼道戰國策曰梁王魏嬰觴諸侯  
于范臺酒酣請魯君舉觴魯君興避席言曰昔者帝  
女令儀狄作酒而美進之禹禹飲而甘之遂疏儀狄

絕旨酒曰後世必有以酒亡其國者史記曰晉整  
秦繆公傷於是岐下食善馬者三百人馳冒晉君圍  
遂脫繆公而返生得晉君初繆公亡善馬岐下野人  
共得而食之者三百餘人逐得欲法之公曰君子不  
以畜害人吾聞食善馬肉不飲酒傷人乃皆賜酒而  
赦之又曰高帝除秦苛法為簡易羣臣飲酒爭功  
高帝患之叔孫通知上益厭也說上願以諸弟子共  
起朝儀後七年長樂宮成羣臣皆朝十月復置法酒  
諸侍坐殿上皆伏尊卑次起上壽觴九行謁者言罷  
酒御史執法舉不如儀者輒引去竟朝置酒無敢失

禮者高帝乃曰吾今日知為皇帝之貴也 漢書曰

百味旨酒 百日之米酒也味或作米 芬布蘭生 芬布列若蘭之生也 又曰

于定國飲酒至數石治讞飲益精明 漢武內傳曰

西王母當下帝設蒲萄酒王母謂帝曰仙家上藥有

玉酒瓊瑤酒 續漢書曰盧植能飲一石不醉 魏

畧曰太祖禁酒而人竊飲之故難言酒以白酒為賢

者清酒為聖人 魏氏春秋曰阮籍以世多故祿仕

而已聞步兵厨多美酒營人善釀求為校尉也 吳

志曰鄭泉臨卒時語同輩曰必葬我陶家之側庶百

歲之後化而為土幸見取為酒壺實獲我心矣 又

曰鄭泉字文淵性嗜酒嘗曰願得美酒滿五百

以四時肥甘置兩頭覆沒飲之 于寶晉紀曰杜豫

作河橋成武帝幸橋讌舉觴勸豫曰非卿此功不能

就豫曰自非陛下之聖明則臣無所施其愚巧也 詳

橋 晉中興書曰畢卓字茂世為吏部郎嘗謂人曰右

手執酒杯左手執蟹螯拍浮酒池中便足了一生

又曰山濤字巨源飲酒至八斗方醉帝欲試之乃以

八斗飲濤密益其酒濤至本量而止 又曰胡毋輔

之等共飲酒散髮裸程閉戶不接外客 鄧粲晉紀

曰劉伶縱酒放蕩或脫衣裸形在屋中人見譏之伶

曰吾以天地為宅舍以屋宇為禪衣諸君自不當入  
吾禪中又何惡乎 東方朔別傳曰武帝幸甘泉長  
平坂道中有蟲赤如牛肝頭目口齒悉具先驅馳還  
以報上使視之莫知也時朔在屬車中令往視焉朔  
曰此謂怪哉是必秦獄處也上使按地圖果秦獄地  
上問朔何以知之朔曰夫積憂者得酒而解乃取蟲  
置酒中立消賜朔帛百匹後屬車上盛酒為此也  
燉煌張氏傳曰扶風孟化以蒲萄酒一斗遺張讓即  
拜涼州刺史 神僊傳曰壺公詣費長房於樓上曰  
我有少酒相就飲之酒在樓下長房使人取之不能

舉盞至數十人莫能得上乃白公公乃下以一指提  
上與房共飲之酒器如拳許大飲之至暮不竭 語  
林曰劉伶字伯倫飲酒一石至醒復飲五斗渴甚求  
酒於妻其妻責之拍酒棄器諫曰非養生之道宜斷  
之伶曰善當祝鬼神自誓耳卿可致酒五斗吾當斷  
之妻如其言伶咒曰天生劉伶以酒為名一飲一石  
五斗解醒婦人之言慎莫可聽於是乃飲其酒御其  
肉塊然復醉 世語曰白子高少好隱淪之術嘗為  
美酒給道客一旦有四仙人齋藥集其舍求酒子高  
知非凡乃欲取他藥雜之仙人云我亦有仙藥於是

賓主各出其藥仙人謂子高曰卿藥陳久可服吾藥  
 子高服之因隨仙人飛去子高仙酒至今稱之 黃  
 石公記曰昔者良將用兵人有饋一罇醪者使投之  
 於河令將士迎流而飲之夫罇醪不能味一河水三  
 軍思為之死非滋味及之也 神異經曰西北海外  
 有人長二千里兩脚中間相去千里腹圍一千六百  
 里但日飲天酒五斗天酒甘露也不食五穀魚肉唯飲天  
 酒忽有饑時向天乃飽好遊山海間不犯百姓不干  
 萬物與天地同生 又曰西北荒中有玉饋之酒酒  
 泉注焉酒美如肉清如鏡其上有玉樽取一樽復一

樽出與天地同休無乾時飲此酒人不死長生 博  
 物志曰西域有蒲萄酒積年不敗彼俗傳云可至十  
 年欲飲之醉彌日乃解 志怪曰齊人田無已釀千  
 日酒過飲一斗醉卧千日方醒 十洲記曰瀛洲有  
 玉膏如酒味名曰玉酒飲數升輒醉乃令人長生  
 崔寔四民月令曰正月旦進椒酒降神畢各舉椒酒  
 於其家長詳 袁子正論曰長安九釀中山清醕  
 楚辭曰蕙肴烝兮蘭藉奠桂酒兮椒漿注曰切桂於酒中  
 又曰四酎并熟不盈盍只清馨凍飲不歡役只吳醴  
 白蘖和楚瀝只 魏文帝詔朝臣曰蒲萄釀以為酒

過之流涎咽唾况親飲之 又曰蓋聞千鍾百觚堯舜之飲也惟酒無量仲尼之能也姬旦酒箴不徹故能制禮作樂漢高婆娑巨醉故能斬蛇鞠旅

酒二 初學

許慎說文曰酒就也所以就人性之善惡也一日造也吉凶所起造也釋名曰酒酉也釀之米麴酉悍而味美也亦言馭也能否皆強相馭待飲之也漢書曰酒者天之美祿帝王所以願養天下享祀祈福扶衰養疾百福之會酒經曰空桑穢飲醞以稷麥以成醇醪酒之始也烏梅女麴 胡板 醴 乳 九投澄清百品

酒之終也說文曰醑 途 酒母也醴酒一宿熟也醪

滓酒也酎三重之酒也醕薄酒也醋首酒也儀禮鄭

玄注曰醴稻米酒也世本曰儀狄始作酒醪變五味

少康作秫酒春秋緯曰凡黍為酒陽據陰乃能動故

以麥釀黍為酒 麥陰也是先漬麴黍後入故曰陽相感皆據陰也相得而沸是其動也凡

物陰陽相感非唯作酒 周禮曰酒正掌酒之政令以式法授酒

材辨五齊之名一日泛齊二曰醴齊三曰盎齊四曰

醕齊五曰沈齊 以節度作之故以齊為名泛者成而浮澤泛泛然如今宜城醪矣醴猶體

也成而汁滓相將如今甜酒矣盎猶甕也成而色翁翁然如今鬱白酒矣醕者成而紅赤如今若下酒矣

如今造渭酒也 辨三酒之物一日事酒二曰昔酒三

酒



曰清酒事酒如今之醪酒也昔酒久酒今之舊醪也清酒今之冬釀夏成者也韓詩曰

夫飲之禮不脫屣而即序者謂之禮跣而上坐者謂

之宴能飲者飲之不能飲者已謂之醜齊顏色均衆

寡謂之沈閉門不出者謂之酒故君子可以宴可以

醜不可以沈不可以酒禮記曰夫豢豕為酒非以為

禍也而獄益繁則酒之流為禍也周禮曰辨氏掌謹

酒使人節事酒玄碧列仙傳曰安期先生與

香酒曹植賦宜春贊夏美酒風土記曰酒則

曰蒼梧縹清瓊液拾遺記曰王母薦穆王瓊液

設賓顯名梁市阮厨列仙傳曰酒客梁市上酒家

瓊蘇綠酒梁市阮厨客也作酒常美日得萬錢有

過而逐之主人酒便斷蒲切桂萬畢術云酒薄復

酸敗下詳類聚厚斷蒲下詳類聚宜春贊夏美酒

吳錄曰湘東有鄱水酒有名荆青田玄鬯古

州記曰桂陽一郡程鄉有酒官青田玄鬯注曰

烏孫國有青田核得水則有酒味甚淳美如好酒飲

盡隨史注水隨盡隨成不可久則苦不可飲名曰

青田酒抱朴子曰玄鬯傾鑄飲沛醱詩曰王在

棄而不羞醜醜史記曰漢高祖過歡伯敗首易林曰酒為

樂適體醜乃擊筑為歌歡伯敗首易林曰酒為

女也字恭璞貞勳達禮有四男二女拒妻者劉懿公

動有法則長子元琮常出飲酒還舍母不見十日因

諸弟謝過乃數責之曰夫飲酒有不至酒者禮也汝

乃沈荒慢而無敬自倡舉兕持螯左傳曰晉趙孟

敗首何慢而無敬自倡舉兕持螯左傳曰晉趙孟

入于鄭伯兼厚之穆叔子皮曹大夫與拜舉弗淫

兕爵曰小國賴子知免于疾矣下詳類聚

**有英** 左傳曰酒以成禮不繼以淫 毛詩曰伐軍  
**法** 觴政 史記曰高后立諸呂為王權用事朱虛  
 章曰臣將種也請以軍法行酒高后曰可酒醜諸呂  
 有英一人亡酒章追拔劍斬之乃還報曰有亡酒一人  
 不盡不仁 舉白浮君 為觴政曰飲不盡者浮以太白文侯飲

不盡不仁 舉白浮君

**酒三** 北堂書鈔

**周尚** 禮記云殷尚醴周尚酒孔疏云殷人稍文故魯  
 尚禮周人轉文故用酒此皆其時之用耳  
**薄** 莊子魯酒薄而邯鄲圍音義曰楚宣王朝諸侯魯  
 在王室送酒已失禮方責其薄無乃太甚遂不辭而  
 還宣王乃發兵與齊攻魯梁惠王常欲擊趙而畏楚  
 楚以魯為事故梁得齊攻魯梁惠王常欲擊趙而畏楚  
 圍邯鄲言事相因也 **列郡** 張番漢紀云孔融天性氣  
 爽頗推平生之意狎侮太

**聖** 太祖制酒禁而融善啣之曰天有酒旗之星地列  
**為池** 六韜云殷君為酒池迴船糟丘而牛飲者三  
 千入縻元語紂曰酒非江漢流以為池也

**扶老** 春秋說題辭云酒之言 **道神** 南蜀草莫其汁為

酒碧映五色 **成禮** 典論云酒以成禮過則敗德孝靈

服之通神 故尤甚流俗沈荒 **喪德** 酒誥云天降威我民用大亂

邦用喪亦罔 **合好** 晏子云景公飲酒醕三日而後發

非酒惟幸 **荒性** 秦子曰君病酒乎公曰然晏子

曰古之飲酒也足 **飲工** 左傳云晉

以通氣合好而已 **飲工** 侯飲酒樂

晉中興書云元帝性嗜酒而忘酒醴之荒性 **誠帝**

膳宰屠蒯趨入請佐公使尊許之而遂酌以飲工曰  
 女為君耳將司聰也辰在子卯謂之疾日君徹宴樂  
 學人舍業為疾故也君之卿佐是謂股肱股肱  
 肱或虧何痛如之女勿聞而樂是不聰也 **蒼梧** 張

輕薄篇云蒼梧**阜英**為神仙傳云葛仙翁斬阜英樹竹葉宜城九醞

**葉**張衡七辨云玄酒**蘭英**之酒酌以滌口**胡椒**物

志云胡椒酒之**文章**甚美士人以金買草不言貴也

人於歲朝飲之**湘東**與錄云湘東鄱縣有鄱水人以**豫北**張協七

南鳥程讓法傾壘一朝可以沈湎于日單膠接川可

儀氏進其法傾壘一朝可以沈湎于日單膠接川可

使三軍若下吳地記公長城故屬鳥程太康**湘陰**機

告捷云湘陰有耐其色**金漿**西京雜記云梁人**玉**

清秋醞春醞酒惟九成**金漿**名酒曰金漿醞之清**九**

醞魏武帝上九醞酒奏云臣故縣令南陽郭芝有九

醞春酒又云九醞酒苦難飲增為十釀差其易飲今

謹上**五齊**齊惟醞案說文醞酒厚也**三品**晉劉弘

室中云齊內酒聽事酒猥酒同用麴米而優劣三

弘云投醪尚三軍同醉豈得三其厚薄自今不得分

別**九成**春醞明酒九成**冬清**張華上巳篇云春醞

**凍縹**王粲七釋云凍縹**玄醴**潘安仁金谷詩云玄醴

**白醪**孫詵三公山下**淵清**成公綏七唱云秦無清

淵清**冰潔**嵇康酒賦云重耐至清淵凝**波泛**風土記

星陳郡列春醞夏成**淵流**邊讓章華臺賦云蘭**芳馨**

珠連波泛瀾澈神清**淵流**育山積椒酒淵流**芳馨**

曹毗杜蘭香傳曰蘭香降**藻秀**陸機七徵云秋醪春

張碩輒齋瓦榼酒氣芳馨**藻秀**陸機七徵云秋醪春

秀雲沸**無算**傅玄酒賦云飲者杯**有刑**蜀志云先主

釀者有刑吏於人家索得釀具論者欲令與作酒者

酒

酒則九醞寸淨醴十旬兼待熟食經云坐客酒者平旦  
 清醪敷徑寸浮醴若芥土禁徂邦君御事小子尚克  
 故以不腆用文王教不腆於酒故我至於今克受  
 為名不腆孔融傳云融雖居家失勢而賓客日滿其  
 命不空嘗歎曰坐上客常滿尊中酒不空吾無憂矣  
 屏爵屏爵台之與王荆州書云罰金酒酤其有婚及  
 疾病者聽之入兩百藥長藥之王莽詔曰酒者百  
 有犯罰金入兩百藥長藥之王莽詔曰酒者百  
 抱朴子云黃帝酒泉法以麴米和藥成丹祈黃考行  
 一斗酒內一升水藏之千歲其味常好祈黃考行  
 韋篇云會孫惟主酒醴維介景福景福于眉壽中  
 醜酌以大斗以祈黃考維介景福景福于眉壽中  
 聖人于沈醉校事趙達問以曹事邈曰中聖人達白  
 之太祖由是得罪後文帝幸許昌見邈叔罰于飲酒臣  
 聖人不遜對曰昔子反斃于穀陽邈叔罰于飲酒臣  
 嗜同二子不能自懲時復中之然宿痼以醜謂從事  
 見傳而臣以醉見識帝大笑曰名不虛立

世說云桓溫有主簿善別酒有輒令先嘗好者謂之  
 青州從事惡者謂平原督郵青州有齊郡言至臍平  
 原有革縣養親老應璩詩曰酌彼春酒上得靈祇  
 言至臍上養親老應璩詩曰酌彼春酒上得靈祇  
 見劉琨吐銅龍西征記云太極殿前有銅龍長二丈  
 腹內受酒口仰景曜曹植酒賦云正旦大會羣臣龍從  
 吐之於樽內仰景曜曹植酒賦云正旦大會羣臣龍從  
 酌出於咸陽其出天厨謂經家人曰吾欲賜汝輩美  
 酒此酒乃出天厨其味醇醲非俗人曰吾欲賜汝輩美  
 當以水和之賜經家天飲一升許皆醉今天水  
 酎東鄙御別傳云爰有天水玄酌長安清醇雜以巴  
 鄉清鄉州善釀酒謂之巴清厚易薄淮南子云楚  
 皆獻酒於楚王主酒吏求酒於趙趙不與吏怒乃以  
 趙厚酒易魯薄者奏之楚王以趙酒薄遂圍邯鄲  
 濁更清作酒多醇濁而忽更清其如乳春酒其如

金勿

卷一百一十九

三

酒



蒲萄釀以為酒其于麴米善醉酒消醒藤崔豹古今草木注云酒杯  
 實如梧桐香美可酌南郊嘆火從汝南先賢傳云郭憲  
 士人投酒能消宿醒南郊嘆火從汝南先賢傳云郭憲  
 北三嘆酒法奏不敬詔問何故憲對曰齊國淥溪取夫  
 夫火嘖酒厭之後知齊國果失火燒數千家淥溪取  
 水荆州記云桂陽郡東界公山策勳飲至抱朴子和  
 之醪傾而三軍之眾悅解毒之觴行而盜馬之屬和  
 感消憂成禮策勳飲至降神合人非此莫以也  
 憾親讐曹植酒賦云和睦皆之應化感氣曹植七啓  
 清縹酒康狄所營應化則變感氣而成彈徵則苦發  
 烈馨香可以娛腸和苞苦含辛醞清醇泛華浮蟻苞苦含  
 神可以娛腸和苞苦含辛醞清醇泛華浮蟻苞苦含  
 辛賢聖斯嘗江統酒誥云歷代悠遠經史彌長上自  
 通人此累止之將不獲已耶通人達士累於此物春

夏成

風土記云酒則元端水齊春秋藏冬發見曹  
 醞夏成口神遁暑用厭飲事秋藏冬發見曹

雞鳴時熟

三升以水五升攪之封頭今日作糜麩

狗猛不售

韓子云宋人有沽酒者懸幟甚高斗檠

鄭玄三百

鄭玄別傳云袁紹邀玄飲于城東人必欲

榮共醉

劉公榮與人不飲酒雜穢非類人或譏

亦不可不與飲

是公榮輩者不可不與飲孔羣好飲又云鴻臚

飲酒王丞相說

云卿何為恒飲不見槽肉乃更堪久覆詭不用

常杯

世語云諸阮皆能飲酒常與宗人共集不如

一杯

世說云張翰字季鷹縱任不拘時人號為江東

名耶答曰使我有身後管仲棄半管子云齊桓公飲

日臣聞酒入舌出舌出言失言于公益明詳類飲之

失身棄臣以為棄身不如棄酒于公益明詳類飲之

不饑坐與苑云東陽徐公居在常山下嘗登嶺見二人

之遂醉後常飲之不死湘州記云居山左有美二

入對飲異苑云東陽徐公見三人對飲與徐三鬼醉

醉幽明錄云漢建武元年東萊人姓七家常作酒一

鬼醉來云見三醉眠而死世說云張華字茂先元貴

共飲為酣暢其腐脇而死詩飲一擬酒旗於玄象張

載酒推酒泉之嘉名明象推酒泉之嘉名

酒四帖

孔嘉詩飲酒孔嘉既吉詩酒既和德將無醉注言以

也禮飲以禮飲酒視冬禮記飲宜寒也避暑袁紹每

至夏大飲云以避一時待飲禮記飲宜寒也避暑袁紹每

少者反席而坐長者飲未面尊禮曰凡飲養老吳諸

行酒至張昭昭不肯飲之曰此非養序賓以賢序賓

老禮恪曰昔太公云昭乃盡爵序賓以賢序賓

朋享斯享巷飲無巷無荒好樂不惑楊秉字叔節

吏教之皆使有衍有衍無荒好樂不惑楊秉字叔節

財常飲酒也有衍無荒好樂不惑楊秉字叔節

也禹誠嗜音未戒甘酒康誥成王封康叔作酒親

約陶侃嘗曰少時有酒失父戒戒孫季舒嘗石崇

自責曰余廢先人之戒何以狂藥飲傲慢過度崇欲

訓人乃於墓前自杖三十狂藥飲傲慢過度崇欲

勿卷一百一十九

酒

表免之裴楷聞之謂曰足下飲人淫源曹植酒賦曰乃荒淫之源

崇飲其敢崇飲無酤詩曰無受福既醉而出生禍

蓋狂蓋寬饒曰無多孟趣日君未知酒中趣投

轄陳遵留客飲殺墮車其骨節與人墮車雖病不死

異群飲酒誥曰羣飲汝勿佚盡執拘以歸於周獨醒

屈原曰衆人皆上尊漢賜丞相上尊稷為中粟為下

美祿酒者天合歡酒食者所宴樂我有旨酒以宴騰

車以選騰酒舉白漢書曰引滿種秫陶潛為彭澤令

挂錢至酒店便獨酣暢家無擔石之儲側弁屢舞

注俄傾貌絕纓美人衣美入絕其纓酣身不憂政

伐德是謂伐德濡首易有孚於飲腐腸養生論曰

縱酒王悅字元達恃才縱酒婦父有慘悅乘醉

為將軍其督陳勤剛勇任氣自督酒凌轢殺人吳志

不以道統面折之勤怒罵詈統及父操統流涕不答

引刀所殺之及攻山賊曰死將以謝罪乃身當罷將

矢石賊應時披壞孫權嘉其果毅以功贖罪也罷將

曹仁為關羽所圍太祖以曹植為南中郎將征虜將

軍欲遣救仁呼有所勅戒植醉不能受命於上海

而罷飲耐月令孟春天子飲植耐用禮樂賜爵禮君若

即越席而再拜稽首受登席祭之飲卒爵而相罰

引滿其觥兒觥其觥注兕觥飛觴舉白罰爵禮有常

大欲禮夫飲食男女小遺東方朔常醉入殿中小遺

人之大欲存焉殿上劫夫不敬免為庶人

勿





曰失一老兵得一老兵折同列後漢馬武字子張為

醉在御前折同列言其亂邊豆倒接離山簡

高陽習家池飲酒大醉而歸人歌曰山公時金貂換

一醉酪無所知日暮倒載歸倒安白接離如朱顏

既字字遙集為散騎常玉山頽王山頽之將頽

侍以金貂換酒帝宥之白刃起白刃起相酌觴不敬

酖美人既醉白刃起白刃起相酌觴不敬周禮觴其

觴罰不中晉獻公飲大夫酒令司正實爵與史蘇

言蘇卜不中也賜晉拒鬯賜之拒鬯一鹵鹵器也

和酒以降神錫魏拒鬯用錫君拒鬯一鹵九獻

禮畢傳曰楚子入享於鄭九獻而禮畢三行趨出

飲媼新井而柴焉十日齋戒召管仲管仲至公執爵

夫人執傳觴三行管仲齊出公怒曰寡人齋戒以

侍父以為脫於罪矣管仲曰臣聞湛於樂者治逸

有序詩舉酬逸逸油油以退禮君子之飲酒也一

貌酒音靡二爵而言言斯注云和敬貌言音銀三五

斗解醒劉一石亦醉髮干不能滿觴田蚡辭不能無

廢斯爵禮智悼子卒未葬晉平公飲酒師曠李調侍

而飲寡人杜黃洗而揚禪公曰如我死則必無廢斯

之社舉任座不飲阮籍與王戎飲劉有服敢辭夫

字仲孺有服過田蚡蚡曰吾欲與仲孺過魏其侯會

侍孺有服夫曰將軍幸許過魏其侯夫安敢以服為

辭日夜相繼齊桓曰寡人不幸而好酒日夜相

不得灌夫與寶嬰飲輕重不得不醉反耻詩凡此飲

夫博嬰注不得謂不平

酒

勿

不既立之監或佐之史彼醉不減不醉反耻言幽王立酒監佐之史令人盡醉則耻罰之不醉無

歸厭厭夜飲禮酒肉之賜不再拜注頌皆有法周禮酒正掌酒之賜頌皆有

賜不再拜禮酒肉之賜不再拜注崔寔業酷崔寔父

宅起塚瑩立碑頌資產霍禹私釀趙廣漢為京兆直

第門索私釀酷推黃公開肆王戎過王公酒壚謂後

破壚鬻斧破門關阮嗣宗酣暢於此卓氏當壚詳書平原十日史秦昭

原君書曰君幸過寡人寡張翰一杯詳見乘車攜壺劉伶嘗乘鹿車攜一壺酒使人荷

人願與君為十日之飲鍾隨身曰死便埋我其遺形如此銜杯漱醪酒德

心如醉帝後漢劉寬字文饒每引見帝令寬請經嘗於

但任重負大昔酒思柔不為不知其秫亦既醉止

憂心如醉不知其秫亦既醉止

知其尤是日既醉未卜其夜仲辭曰臣卜其書未卜

其樂飲今夕學士十二人漢師學士十二人給太

酒林桐葉時乃成也臣贊曰按武女酒三十人周禮

帝以馬家為桐馬似不為酒也西王母迨我暇矣詩

酌言酬之詩酌皆有數禮樂且有儀詩既旨既清

且多且有載號載嘒或號或呼不繼以淫

用備其禍酒存人欲賜表王恩逮下之恩

侍宴之禮臣侍宴過陳魯匡之謀收榮公之利

將成禮以合歡豈納邪而伐德雖取陶陶之樂

劉伶酒德頌無愆抑抑之儀威儀抑抑資酒食以合

曰其樂陶陶無愆抑抑之儀威儀抑抑資酒食以合

歡初筵有禮 用歌舞以飾喜終宴不疲

**宋陶潛飲酒詩**曰既醉之後輒以數句自娛紙墨  
遂多別辭無次聊命故人書之以為談笑也有客常  
同止趣舍邈異景一士長獨醉一夫終年醒醒醉還  
大笑發言各不領 周庚信報趙王賜酒詩曰梁王  
脩竹園冠蓋風塵喧行人忽枉道直逐桃花源稚子  
還羞出驚妻倒閉門始聞傳上命定是賜中傳野燼  
然樹葉山杯捧竹根風池還更暖寒谷遂長暄未知  
稻梁鴈何時報君恩 又正旦蒙趙王賚酒詩曰正  
旦辟惡酒新年長命杯柏葉隨銘至椒花逐頌來流

星向椀落浮蟻對春開成都已救火蜀使何時迴  
又中山公許乞酒一車未送詩曰細柳望蒲臺長河  
始一迴秋葉幾迴落春蟻未曾開瑩角非難馭椎輪  
稍可催只言千日飲舊逐中山來 又就蒲州刺史  
乞酒詩曰蕭瑟風聲慘蒼茫雲貌愁鳥寒栖不定池  
凝聚未流蒲城桑葉落灞岸菊花秋願持河朔飲分  
勸東陵侯 又答王褒餉酒詩曰今日小園中槐花  
數樹紅開君一壺酒細酌對春風未能扶畢卓猶足  
舞王戎仙人一捧露判不及杯中

**引**梁朱异田飲引曰卜田宇今京之陽向清洛兮背

脩印屬風林之蕭瑟值寒野之蒼茫鵬紛紛而聚散  
鴻冥冥而遠翔酒沈兮俱發雲沸兮波揚豈味薄於  
東魯鄙蜜甜於南湘於是客有不速朋自遠方臨清  
池而滌器闢山牖而飛觴促膝兮道故久要兮不忘  
閒談希夷之理或賦連翩之章

**賦**漢鄒陽酒賦曰清者為酒濁者為醴清者聖明濁  
者頑駘皆麴泔血之麥釀野田之米流光醴醴甘滋  
泥泥醪醴既成綠瓷既啓且筐且漉載芻載濟庶人  
以為欣君子以為禮其品類則沙洛綠酈烏程若下  
齊公之清關中白薄書渚滎滍凝醴醇酎千日一醒

漢楊雄酒賦曰子猶瓶矣觀瓶之居居井之湄處  
高臨深動常近危酒醪不入口藏冰滿懷不得左右  
牽於纏徽自用如此不如鷓夷鷓夷滑稽腹大如壺  
盡日盛酒人復藉酤常為國器託於屬車出入兩宮  
經營公家由是言之酒何過乎 魏曹植酒賦曰余  
覽揚雄酒賦辭甚瑰瑋頗戲而不雅聊作酒賦粗究  
其終始嘉儀氏之造思亮茲美之獨珍仰酒旗之景  
曜協嘉號於天辰穆生失禮而辭楚侯嬴感爵而輕  
身其味有宜城醪醴蒼梧縹清或秋藏冬發或春醞  
夏成或雲沸川涌或素蟻如萍爾乃王孫公子遊俠

翱翔將承歡以接意會陵雲之朱堂獻酬交錯宴筵  
 無方於是飲者並醉從橫謹譁或揚袂屢舞或扣劍  
 清歌或嘖蹴辭觴或奮爵橫飛或歌驪駒既駕或稱  
 朝露未晞於斯時也質者或文剛者或仁卑者忘賤  
 寔者忘貧於是矯俗先生聞之而歎曰噫夫言何容  
 易此乃淫荒之源非作者之事若耽於觴酌流情縱  
 佚先王所禁君子所斥 魏王粲酒賦曰帝女儀狄  
 旨酒是獻苾芬享祀人神式宴辯其五齊節其三  
 醴沈葢泛清濁各異章文德於廟堂協武義于三  
 致子弟之孝養糾骨肉之睦親成朋友之歡好

往之主賓既無禮而不入又何事而不因賊功  
 敗事毀名行以取誣遺大耻於載籍滿簡帛而身  
 孰不飲而罹茲罔非酒惟事昔在公旦極茲話言  
 首屢舞談易作難大禹所忌文王是艱 晉傅玄  
 賦曰課長興與中山比蒼梧與宜城造藥限以  
 味蜜甜而膽苦 晉張載酈酒賦曰惟聖賢之興作  
 貴垂功而不浪嘉康狄之先識亦應天而順民擬  
 旗於玄象造甘醴以怡神雖賢愚而同好似大化之  
 齊均物無往而不變獨居舊而彌新經盛衰而無  
 歷百代而作珍若乃中山冬啓醇酎秋發長安春御

樂浪夏設縹緲并布芬香酷烈垂嘉稱於百代信人  
神之所悅未聞珍酒出於湘東不顯於皇都乃潛滄  
於吳邦往逢天地之否運今遭六合之開通播殊美  
於聖代宣至味而大同匪徒用法之窮理信永壤之  
所鍾故其為酒也殊功絕倫三事既節五齊必均造  
釀以秋告成以春備味滋和體淳色清宣御神志導  
氣養形遺憂消患適性順情言之者嘉其美志味之  
者棄事忘榮於是糾合同好以遨以遊嘉賓雲會短  
坐四周設壘樽於南楹酌浮觴以施流備鮮肴之綺  
錯進時膳之珍羞禮儀飲序是獻是酬頽顏微發溢  
思凱休德音晏晏弘此徽猷咸得志以自足願樓舞  
於二丘於是歡樂既洽日薄西隅王稱湛露賓歌  
駒僕大整駕言旋其居乃憑軾以迴軌騁輕駟於通  
衢及衡門以憑跡覽前聖之典謨感夏禹之防微悟  
儀氏之見疏鑿往事而作誠罔非酒而惟愆哀秦穆  
之既醉穢良人而棄賢嘉衛武之能悔著屢舞於初  
筵察成敗於往古垂將來於茲篇 雷蒙山松酒賦  
曰素醪玉潤清醕淵澄纖羅輕布浮蟻競升泛芳樽  
以琥珀馨桂發而蘭興一歡宣百體之關一飲蕩六  
府之務

**歲**劉惔酒箴曰爰建上業曰康曰狄作酒于社獻之明辟仰郊昊天俯祭后土歆禱靈祇辨定賓主啐酒成禮則彞倫攸敘此酒之用也

**讚**東晉戴逵酒讚曰余與王元琳集于露立亭臨觴撫琴有味乎二物之間遂共為之讚曰醇醪之興與理不乖古人既陶至樂乃開有客乘之隗若山頽目絕羣動耳隔迅雷萬異既冥惟無有懷

**頌**魏劉伶酒德頌曰有大人先生以天地為一朝萬期為須臾日月為闔戶八荒為庭徘徊無轍跡居無室廬幕天席地縱意所如止則操卮執觥動則挈榼

提壺唯酒是務焉知其餘有貴介公子搢紳處士吾風聲議其所以乃奮袂攘襟怒目切齒陳說禮法是非鋒起先生於是捧罌承槽銜杯歆醪奮鬚箕踞枕麴籍糟無思無慮其樂陶陶兀然而醉恍爾而醒俯視萬物擾擾焉如江漢之浮萍二豪侍側焉如果羸之與螟蛉

**詰**晉江統酒詰曰酒之所興肇自上皇或云儀狄一曰杜康有飯不盡委餘空桑鬱積生味久蓄氣芳本出於此不由奇方

**戒**晉庾闡斷酒戒曰蓋神明智惠人之所以靈也好



食物 卷下十九 二十三  
惡情欲人之所以生也明智運於常性好惡安於自然吾以知窮智之害性任欲之喪真也於是椎金壘碎玉椀破兕觥捐觚瓚遺舉白廢引蒲使巷無行楹家無停壺剖樽折杓沈炭銷鑪屏神州之竹葉絕縹醪乎華都言未及盡有一醉夫勃然作色曰蓋空桑珍味始於無情靈和陶醞奇液特生聖賢所美百代同營故醴泉涌於上世懸象煥乎列星斷蛇者以興霸折獄者以流聲是以達人暢而不壅抑其小節而濟人通子獨區區檢情自封無或口閉其味而心馳其聽者乎庾生曰爾不聞先哲之言乎人生而靜天

之性也感物而動性之欲也物之感人無窮而情之好惡無節故不見可欲使心不亂是以惡迹止步滅影卽陰形情絕於所託萬感無累乎心心靜則樂非外唱樂足則欲無所淫唯味作戒其道彌深賓曰唯唯敬承德音

答梁劉孝儀謝東宮資酒啓曰異五齊之甘非九醞之法屬車未曾載油囊不得酤試儔仙樹葛玄泥首才比蒲桃孟他街璧固知託之養性妙解怡神擬彼聖人羞得連類 又謝晉安王賜宣城酒啓曰孝儀啓奉教垂賜宣城酒四器歲暮不聊在陰卽慘惟斯

二理總萃一時少府鬪猴莫能致笑大夫落雉不足  
 解顏忽值瓶瀉椒芳壺開玉液漢樽莫遇殷杯未逢  
 方平醉而遁仙羲和耽而廢職仰憑殊塗便申私飲  
 未囑囂耻已觀憤听傾耳求音不聞霆擊澄神密眠  
 豈覲山高愈疾消憂於斯已驗遺榮忽賤即事不欺  
 酪酏之中猶知銘荷不任云云

**書**後漢孔融難魏武帝禁酒書曰公初當來邦人咸  
 拊舞歸躍以望我后亦既至止酒禁施行天垂酒旗  
 之曜地列酒泉之郡人有旨酒之德竟非千鍾無以  
 建太平孔非百觚無以堪上聖樊噲解厄鴻門非彘

肩卮酒無以奮其怒趙之所養東迎其王非引卮酒  
 無以激其氣高祖非醉斬白蛇無以揚其靈袁盎非  
 醇醪之力無以服其命定國非酣飲一斛無以決法  
 令故鄴生以高陽酒徒著功於漢屈原以鋪糟歆醢  
 身困於楚猶是觀之酒何負於治者哉

**論**晉杜預酒論曰重醞醇醴沃土泉清甜苦無常五  
 味相并

唐類函卷一百七十九

唐類函卷一百八十

明東吳俞安期彙纂

明梁谿秦埏校訂

五穀部

穀 種 苗 稼 禾 稻 稌 附 林 附 豆

麻 麥 黍 米 糠 附 梁 附 粟 稭 附

○穀一類藝文

爾雅曰中有岱嶽五穀魚鹽生焉穀不熟為饑仍饑為荐 周官曰職方氏掌天下之圖辨邦國都鄙九穀之數揚州荊州其穀宜稻豫州并州宜五穀黍稷青州宜稻麥兗州宜四種稻黍稷雍州冀州宜黍稷

幽州宜三種

黍稷稻

又曰太宰九職任萬民一曰三

農生九穀

鄭司農云稷秫黍稻麻大小豆大小麥

左傳曰夫郊祀后

稷以祈農事故啓蟄而郊郊而後耕 又曰孟秋農

乃登穀天子嘗新先薦寢廟命百官始收斂 又曰

小國之仰大國如百穀之仰膏雨 穀梁傳曰一穀

不升曰歉二穀不升曰饑三穀不升曰饑四穀不升

曰康五穀不升曰大侵大侵則君食不兼味臺榭不

塗廷道不除百官布而不制鬼神禱而不祠五穀皆

熟為有年 京房易逆刻曰天雨穀歲大熟 王肅

喪服要記曰昔者魯哀公祖載其父孔子問曰寧設

五穀囊乎公曰不也五穀囊者起伯夷叔齊不食周

粟而餓死首陽山恐菟之飢故作五穀囊吾父食味

含哺而死何用此為 風俗通曰牛乃耕農之本百

姓所仰為用最大國家之為強弱也建武之初軍役

亟動牛亦損耗農業頗廢米石萬錢天愛斯民扶助

聖主事有徵應於是旅穀彌望野繭被山 墨子曰

一穀不收謂之饑二穀不收謂之旱三穀不收謂之

凶四穀不收謂之饑五穀不收謂之饑饑五穀不熟

謂之大侵則大夫以下損祿五分之一旱則二凶則

三饑則四饑大侵則盡祿廩食而已 范子計然曰

五穀者萬民之命國之重寶也是故無道之君及無道之民皆不能積其盛有餘之時以待其衰不足也  
 論衡曰建武三十一年陳留雨穀蔽地視穀形若  
 粲而黑此夷狄地生穀也夷狄不食穀生於草野成  
 熟委於地遭疾風與之俱飛風衰穀集中國中國見  
 之謂天雨穀也 東觀漢記曰建武二年天下野穀  
 旅生麻菽尤盛 又曰欲征匈奴與竇固等議皆以  
 為塞外草美馬不須穀按軍出塞無穀馬故事馬防  
 言當與穀 魏志曰袁渙字曜卿為魏國郎中令及  
 卒太祖為之流涕賜穀二千斛一教以太倉穀千斛

賜郎中令家一教以垣下穀千斛與曜卿家外不解  
 其意教曰以太倉穀者官法也垣下穀者親舊也  
 曹瞞傳曰太祖嘗賦廩穀不足私謂主者曰如何主  
 者曰以小斛量之太祖曰善後軍中言太祖欺眾太  
 祖謂主者特當借汝死以厭眾不然事不解乃取問  
 曰行小斛盜官穀斬之軍門 江表傳曰諸葛亮聞  
 恪伐徐佯書與陸遜曰家兄年老而恪性疎今使典  
 主糧穀糧穀軍之要最僕雖在遠竊用不安足下特  
 為啓至尊轉之 幽明錄曰琅琊諸葛氏兄弟二人  
 寓居晉陵家甚貧耗常假乞自給穀在圖中計日月

未應盡而早以空罄始者故謂是家中相竊盜故復封檢題識而耗如初後有宿客遠來至巷口見數人擔穀從門出客借問諸葛在不荅云悉在客進語訖因問卿何得大糶穀主人云告乞充口云何糶之客云吾向來逢見人擔穀出爲是何事主人兄弟相視竊自疑怪入看封題儼然如故試開圖量視無十許斛知前後所失非人爲之也師曠占曰黃帝問師曠曰杏多實不蟲者來年秋善五木者五穀之先欲知五穀但視五木擇其木盛者來年益種之

穀二初學

案叙周易曰日月麗乎天百穀草木麗于土周書曰凡禾麥居東方黍居南方稻居中央粟居西方菽居北方周官曰凡王之膳食用六穀鄭司農云稻黍稷梁麥苽以五味五穀五藥養其病鄭注云五穀麻黍稷麥豆大戴禮曰食氣者神明而壽食穀者智惠而巧不食不死禮斗威儀曰歲凶年穀不登君膳不祭肺馬不食穀孟春之月天子乃以元日祈穀于上帝孟夏驅獸無害五穀仲夏之月乃命百縣雩祀百辟以祈穀實孟秋之月農乃登穀天子嘗新先薦寢廟臣專政私其君位則草木不生禾穀不實楊雄方言曰凡以火乾五穀之類出

自山東齊楚以往曰熬隴冀以往曰僞平力反秦晉之

間曰烝創眇反楊泉物理論曰穀氣勝元氣其人肥而

不壽養性之術常使穀氣少則病不生矣梁者黍稷

之總名稻者漑種之總名菽者眾豆之總名三穀各

二十種為六十蔬果之實助穀各二十凡為百穀故

詩曰播厥百穀者穀種眾種之大名也范子計然曰

東方多麥稻西方多麻北方多菽中央多禾五土之

宜各有高下高而陽者多豆平而陰者多五穀

穀三帖

九穀周禮稌人掌九穀以待匪頒賜稍食五種月令季冬令告人出五種命農計耦耕五

種五穀種也播厥百穀 所寶惟穀 百穀用成 五穀

不滋 穀惟國寶 食乃民天

**謳**魏曹植魏德論謳曰於穆聖皇仁暢惠渥辭獻滅

膳以服鰥獨和氣致祥時雨滲漉野草萌變化成嘉

穀

**啓**梁元帝上穀充軍糧啓曰臣聞金城千仞必資守

粟車車千乘其在饋實願武車綏旌列飛鴻之行陳

奉辭受賑揜犖獸於羆虎賈逵渠水雖曰難蹤梁習

勸農竊知自勉

○種白 浸種附

五穀

卷一百八十

三

種

司稼辨

周禮曰司稼辨種稷之種周知其名辨五物

舍人懸

禮記曰舍人懸種稷以供皇后誕降

詩知名

見上九等見上五種二月令十用火輕費用火案輕

凡言用者皆謂

備災漢書必雜五償種漢平帝詔曰

徒所易田宅假

糞種周禮曰止糞種駢剛用牛赤緹

牛犂種植也

糞種用羊墳壤用麩濁澤用鹿緹渴

用豕勃壤用狐墳

糞種用豕墳壤用黃案駢赤土剛強

也赤緹縹色音地

糞種反竭澤故水處豕蹄也音九勃

糞粉解也糞粘

糞種糞音也糞堅地

○苗稼

帖白秀實為稼 在野曰稼 並說 曾孫之稼 同生之苗

時成王

如茨如梁 是刈是穫 不稂不莠 既堅既

好

先雨耕耘如雲之稼于別苗莠 刈疏遯遯密

五稼

國稼實莠有莠若苗之不秀苗而離離山上

揄揄

詩穫之 ○禾一藝文

說文曰禾嘉穀也

以二月而種八月始熟得時之中

故謂之禾此其義也

毛詩曰十月納禾稼 尚書

曰唐叔得禾異畝

同穎獻諸天子王命歸周公于東

作歸禾

畝隴也穎穗也禾各生一壟而共為一穗

左傳曰鄭祭足帥師

取成周之禾 孝經援神契曰

德下至地則嘉禾生

呂氏春秋曰飯之美者玄山

苗稼

禾



之禾 淮南子曰后稷辟土墾草而不能使禾冬生

史記曰管仲說桓公曰古之封禪者北里之禾所

以為盛蘇林注曰北里地名也東觀漢記曰光武生於濟陽

縣是歲有嘉禾一莖九穗 又曰淳于恭有盜刈恭

禾者恭見之念其愧因自伏草中盜去乃起 續漢

書曰承宮琅琊人也嘗在蒙山中耕種禾黍臨熟人

認之宮便推與而去山是發名 吳志曰赤烏七年

宛陵言嘉禾生 又曰會稽言嘉禾生改年為嘉禾

晉書曰郭翻字長翔欲墾萊田先立表經年無主

乃作將熟人認禾悉與之縣令聞之將稻還翻翻不

受 晉起居注曰武帝世嘉禾三生元帝世嘉禾三

生其莖七穗 山海經曰崑崙墟上有木禾禾長五

尋 古今注曰和帝元年嘉禾生濟陰城陽一莖九

穗安帝延光三年嘉禾生九真百五六十本七百六

十八穗 續搜神記曰廣陵巴丘人周冕者世以田

作為業年常田數十頃家漸富晉太元初秋收已過

獲刈都畢明旦至田禾悉復滿湛然如先即使更獲

盈倉於此遂巨富 夢書曰禾稼為財田之所出夢

見禾稼言財氣生

禾二 初學記

案叙許慎說文曰禾嘉穀也木王而生金王而死禾之秀實為稼莖節為禾一曰稼事也

**穀** 曹植社頌曰靈稼阿那 **合穎** 連莖 魏舒後魏書曰許謙字元

遜代人也子洛陽為鴈門太守家田三 **合穎** 生嘉禾皆異

隴合穎也春秋說題辭曰嘉禾之滋莖長五尺五 **三苗** 虞預會稽典錄曰謝

嘉禾六穗以成盛德 **六穗** 三苗承遷吳郡督郵歲穰

華而生同為一穗人有上之者王召周公而問之公 **吐秀** 春秋說題辭曰禾者

天下其和為一穗 **銜滋** 吐秀 銜滋液宋均注曰銜

滋液以生故以禾為名也 **充廂** 鄭氏婚禮濁文讚

曰嘉禾為穀功祿見官吐秀五七乃名為嘉 **實野** 向書大傳曰成王時有苗異莖而生同為

粟邾於倉告商 **北里** 董仲舒春秋繁露曰禾實於野

怪非人意者也 **西山** 豈若西山草琅玕與丹

**禾** **照九阿** **齊萬畝** 阮籍詩曰垂穎臨曾城餘光照

以齊平陰蓋 **九阿** 曹植杜頌曰秀吐穗萬

隴百穢不生 **禾三帖** 白

**乃登** 七月禾 **盡起** 天大雷電以風禾盡偃王出郊

季子臯葬其山十月納 **穰穰** 禾 **離離** 禾

妻犯人之禾紉禾稼 **魏曹植魏德論** 謳曰猗猗嘉禾惟穀之精其洪盈

**箱協穗殊莖昔生周朝今植魏庭獻之廟堂以昭祖**

**靈** **贊** **宋孝武帝清暑殿薨嘉禾贊曰維殷粵周有穗表**

**禎祥乎合矣超瑞高甍非原非澤乃瑞乃靈庶藉天**

賜廣茲化清

○稻一藝文類聚

爾雅曰稌稻也

說文曰稌也

毛詩曰是刈是穫

又曰

穫之恗恗

穫聲

廣雅曰稻穗謂之禾

禮記曰祭宗

廟之禮稻曰嘉蔬

周禮地官曰稻人掌澤草之所

生種之苾種

苾種稻麥

吳志曰鍾離牧字子幹山陰人

少居永興自墾田種二十餘畝臨熟而縣民認取之

收曰木以田荒故墾之耳遂以稻與民

江表傳曰

孫亮五鳳元年交趾稗草化為稻

會稽典錄曰夏

香有盜刈稻者香助收之盜者慙送以還香香不受

廣志曰有虎掌稻紫芒稻赤曠稻白米稻南方有

蟬鳴稻

稻二

初學記

林附

蔡邕月令章句曰十月穫稻人君嘗其先熟故在九

月熟者謂之半夏稻異物志曰交趾一歲再種抱朴

子曰南海晉安有九熟之稻郭義恭廣志曰蟬鳴稻

七月熟稻有蓋下白正月種五月穫穫其莖根復生

九月復熟青竿稻六月熟累子稻白漠稻七月熟此

三種大且長三枚長一寸半○說文曰秣稷之粘者

也又曰秣粘粟也崔豹古今注曰稻之粘者為秣禾

之粘者為黍廣志曰秣有赤有白有胡秣早熟及麥

養生要集曰秣米味酸**專對九熟**再種土詳叙事

物志曰交趾冬又青稊紫莖周處風土記曰稊稻

熟農者一歲再種紫莖之青稊米皆青白也

也紫莖許慎說文曰稻稊半夏一旬上詳叙事

融澤五穀多良有淡日紫芒赤穰並詳叙事

之稻言一旬而生也紫芒赤穰並詳叙事

稊上詳叙事王季子拾遺記曰東極之東有和靈

稊言寒者食之則溫熱者食之則體冷莖多白

**稻三帖白**薦禮冬薦稻徐夏嘗季秋天子嘗藉稻左傳邠人藉

人注君藉蓋遺種今吳稻蟹不十月穫詩十月斥鹵

履稻而行也遺種遺其種國語十月穫穫稻斥鹵

生古歌曰引漳水灌鄴清流之稻選文再熟之稻交

旁終古斥鹵土稻梁清流之稻選文再熟之稻交

**贊**晉湛方生庭前植稻苗贊曰倩倩嘉苗離離階側

弱葉繁蔚圓株踈植清流津根輕露濯色

○杭藝文類聚說文曰杭稻屬也廣雅曰秣杭也廣志曰稊有

烏杭黑穰又有青幽白夏之名鄭氏婚禮謁文贊

曰杭米馥芬婚禮之珍魏文帝與朝臣書曰江表

唯長沙名有好米何得比新成稊稻邪上風炊之五

里聞香袁准觀殊俗曰河內青稻新成白稊

案叙養生要集曰稻亦杭之總名也道家方藥有用

五穀

卷一百八十一

十

稻米秔米此則是兩物也稻米粒白如霜味苦主温  
服之令人多瘦無肌膚秔米味甘主利五臟長肌膚

好顏色事對黑穞 白霜上詳類聚五里香 三月

種上詳類聚崔寔四民  
月令曰三月可種秔稻

**啓**梁庾肩吾謝賚粳米啓曰粵梁國租兼水陸之殊  
品伊尹說而不至石崇豪所未及遇處嘿之得賓同  
朗之舉著長河可塞上德無訓 又謝湘東王賚米  
啓曰味重新城香踰滂水連舟入浦似彥伯之南歸  
積地爲山疑馬援之西至不待候沙同新渝之再熟  
無勞拜石均遼倉之重滿前恩未遠次渥仍流墨翟

假以故書裴楷慙其國賜 又荅湘東王賚粳米啓  
曰竊以農夫力耕時逢儉歲疎賤時澤必取豐年椽  
斛瀉珠嘉聞陶量翻庭委玉欣見馬圖

○黍一藝文類聚

爾雅曰秬黑黍秠一稗二米所以釀鬯漢和帝時任城生黑黍或三四實也 說文曰以大暑而種故謂之黍 禮記曰仲  
夏之月農乃登黍 毛詩曰黍離閔宗周也彼黍離  
離彼稷之苗 又曰今適南畝或耘或耔黍稷薿薿  
又曰芄芄黍苗陰雨膏之 呂氏春秋曰飯之美  
者南海之秬 韓子曰韓昭侯之時黍種嘗貴尠有

昭侯令人覆廩廩吏果竊黍種而糶之 又曰孔子侍坐於魯哀公設桃具黍哀公曰請用仲尼先飯黍而後噉桃左右皆掩口失笑公曰黍者非飯之也以黍雪桃也仲尼對曰丘知之矣夫黍者五穀之長也祭先王以為上盛果有六而桃為下祭先王不得入於廟丘聞之也君子以賤雪貴不聞以貴雪賤今以五穀之長雪果蔬之下是侵上忽下也 國語曰黍稷垂成不能為榮黍而不黍不能蕃庶稷而不稷不能蕃殖 淮南子曰渭水多力而宜黍 史記封禪書曰管仲說桓公曰古之封禪鄒上之黍所以為盛

鄒上

東觀漢記曰承宮將妻子入華蓋蒙陰山谷

耕種禾黍

山海經曰廣都之野后稷葬焉爰有膏

黍膏稷

古今注曰宣帝元康四年長安雨黑黍粟

和帝元興元年黑黍穗一禾二實或三四實生任城

得粟三斗八升以薦宗廟

黍二

初學

稷

梁

案叙汜勝之書曰黍者暑也種必除暑先夏至三十日禮記曰黍曰薊會說文曰黍禾屬粘者也孔子曰黍可以為酒廣志曰有鷲頷黍又有驢皮黍牛黍南尾秀成赤黍馬革大黑黍秬黍有溫毛黃黍白黍○

說文曰稷五穀之長也廣志曰破藏稷逼麥稷也此

二者以四月熟本草曰稷米甘無毒主益氣補不足

○楊泉物理論曰梁者黍稷之總名也廣志曰有具

梁解梁有遼東赤梁本草曰白梁味甘微寒無毒主

除熱益氣有襄陽竹根者最佳黃梁出青冀左思魏

都賦曰有雍丘之梁崔駰七依曰玄山之梁

薦夏登禮記曰庶人春薦非夏薦麥秋薦黍冬滿

握盈疇劉穎魯都賦曰黍稷油油稂族垂芒殘穗

之廣陸今臨臯隰之沃流北彌陶鶯頤馬革並詳

虎危毛詩曰危此黍苗陰雨膏之悠悠南行

斷黍稷聲東門徒南夷獻韓子曰吳越欲攻秦小

令曰明日攻秦能先登者仕之大夫賜之上田宅於

是文之一朝而後沈約宋書曰黃帝時薦宗廟

享司寒水也黑牡黍以享司寒杜預注曰黑牡黑

也故物皆用黑有事於外故祭其神盈倉破藏毛

既盈我庚惟億稷翼翼我倉四月熟五穀長並詳

薺其鹽鑽禮記曰祭宗廟之禮梁曰薺其郭義

為

黍三帖一稷附

彼黍離離我稷翼翼方華黍乃生鄒衍吹律於

暖生

為黍

論語殺雞為黍而食之

飯黍

無以

薦

月令

藝

不能

稷

黍稷嶷嶷

我黍與與

維秬維秠

秠秠米

維糜

維芑

糜赤苗芑白苗

**賦**晉稽含孤黍賦曰余慎終屋之南榮有孤黍生焉

因泥之濕遭雨之潤宿昔芽蘖滋茂甚速塗燥根淺

忽然萎殞深感此黍不韜種以待時貪榮棄本寄身

非所自取彫枯不亦宜乎

○粟藝文類聚

爾雅曰薺赤苗芑白苗

薺赤梁粟也芑白梁粟也

又曰梁稷也

今江東呼粟為粢也孫炎曰稷粟也

說文曰粟嘉穀實也粟之為言

續也 左傳曰鄭饑而未及麥民病子皮以子展之

命餼國人粟戶八鍾 又曰冬晉荐饑乞糴于秦秦

伯輸粟于晉自雍及絳相繼命之曰泚舟之役 論

語曰子華使於齊冉子為其母請粟子曰與之釜請

益曰與之庾子曰亦之適齊也乘肥馬衣輕裘吾聞

君子周急不繼富 又曰原思為之宰與之粟九百

辭子曰無以與爾鄰里鄉黨乎 周書曰神農之時

天雨粟神農耕而種之作陶冶斤斧破木為耜鉏耨

以墾草莽然後五穀興以助菓蔬之實 雜書說禾

曰倉帝起天雨粟青雲扶日 春秋說題辭曰粟五



變以陽化生為苗秀為禾三變而發謂之粟四變入

曰米出甲五變而蒸飯可食之

稟受五行而成故五變乃成可食

風俗通曰燕太子丹仰歎天為雨粟 晏子曰北郭

騷見晏子託以養母晏子分倉粟府金以遺之騷辭

金受粟 莊子曰莊周往貸粟於監河侯監河侯曰

諾我將得邑金貸子三百金可乎周忿然曰若乃言

此不如早索我枯魚之肆 孔叢子公儀曰子思居

貧其友有饋之粟者受二車焉或獻樽酒束脩子思

曰為費而無當也或曰子取人粟而辭酒是辭少而

受多也於義無名於分別不全行之何也子思曰然

汲不幸而貧至及困乏將絕先人之祀夫所以受粟

為周之也酒脯則所飲讌也方乏於食而乃飲讌非

義也吾豈以為分哉度義而行之 又曰季桓子以

粟十鍾餼夫子受而班門人之無者子貢曰季孫以

夫子貧故致粟今而施人無乃乖彼意乎子曰吾受

而不辭為季孫之惠受不為富惠於一人豈若數百

人哉 呂氏春秋曰飯之美者不周之粟 賈誼書

曰鄒穆公有令食鳧鴈者必以稅無敢以粟於是倉

無稅而求易於民二石粟得一石稅吏以請曰稅食

鳧鴈為無費也今求稅費甚請以粟食之公曰夫百

姓餉牛而耕曝背而耘勤而不敢墮者豈為鳥獸哉  
粟米人上食也奈何其以養鳥且汝知小小計而不  
知大害 淮南子曰黃帝治天下力牧泰山稽輔之  
狗彘吐菽粟於道路而無分爭之心 又曰昔者倉  
頡作書而天雨粟 倉頡始視鳥跡之文而造書者也  
有書契則作偽萌生生則去本趣  
未棄耕作之業而務錐刀之  
利天知其將饑故為雨粟 說苑曰高平王遣使  
者從魏文侯貸粟文侯曰須吾租收邑粟至乃得也  
使者曰臣初來時見瀆中有魚張口謂臣曰吾窮水  
魚命在呼吸可得灌乎臣謂之曰待吾南見河伯之  
君決江淮之水灌汝口魚曰為命在須臾及須決江

淮之水比至還必求吾於枯魚之肆今高平貧窮故  
遣臣詣君貸粟乃須租收粟至者大王必求臣死人  
之墓矣 商君書曰金一兩生境內粟一十二石死  
於境外粟十二石生於境內金一兩死於境外國好  
生金於境內則金粟兩死府庫兩虛國弱好生粟於  
境內金粟兩生倉府兩實國強 六韜曰發鉅橋之  
粟散鹿臺之金錢以與殷民 史記曰伯夷叔齊聞  
西伯善養老往歸焉值武王東伐紂叩馬諫左右欲  
刃太公曰此義人也扶而去之武王平殷亂天下宗  
周伯夷叔齊耻之義不食周粟而餓死 又曰宣曲

任氏之先為督道倉吏秦之敗豪傑皆爭取金玉而任氏獨窖倉粟楚漢相距滎陽民不得耕種米至貴已而豪傑金玉盡歸任氏以此起富 又曰漢興七十餘年太倉之粟陳陳相因充溢露積於外至腐敗不可食也 漢書東方朔曰侏儒長三尺餘俸一囊粟錢二百四十臣朔長九尺餘亦一囊粟錢二百四十侏儒飽欲死臣朔飢欲死 古今注曰武帝建元四年天雨粟宣帝地節三年長安雨黑粟竟寧元年南陽山都縣雨粟色青黑味苦大者如小豆小者如麻子 桂陽先賢書贊曰成丁郴人能達鳥鳴為郡

主簿與眾人俱坐聞雀鳴而笑曰東市輦粟車覆雀相呼往食之眾人遣視信然 汜勝之書曰神農之教雖有石城湯池帶甲百萬而無粟者弗能守也夫穀帛實天下之命衛尉前上蠶法今上農事人所忽略衛尉勤之可謂忠國憂民之至

粟二

初學

稌附

按廣志曰有赤粟白莖粟有黑粟有張公班粟本草曰陳粟味苦無毒主胃疽熱中渴利小便○崔豹古今注曰麩稜也後漢書曰烏丸國其地宜稌呂氏春秋曰飯之美者山陽之稌

**麩** 瓊膏

玉粒

王字年拾遺記

五穀

曰東極之東有瓊脂粟言質白如玉柔滑如膏食之  
盡壽不病又曰員嶠之山名環丘上有方湖千里  
多大鵠高一丈羣飛於湖際銜條不周之粟於  
環丘之上粟生穗高五丈其粒皎然如玉也

鳳冠

王子年拾遺記曰東極之善走又曰有鳳冠  
其枝屈曲似游龍食之善走

千株

五變之東有雲渠粟藜生菓  
似扶菓食之益顏色菓莖赤多黃大粒長枝

者今人多力

皆長二丈千株藜生下詳類聚大粒長枝物埋

論曰凡種有強弱土有剛柔土宜強高莖而疏粟長

穗而大粒王子年拾遺記曰東極之東有耀枝粟

言其枝長而弱無

風自搖食之多壽

粟三帖白

有秕

若粟之

不食

伯夷叔齊漢腐

漢流衍太倉之

秦

輸

粟于晉

求仁者之粟以祀之

雖有粟吾得而食

諸

冉子之請

莊生之貸

獻粟

者執右契輸禮

書漢鼂錯上書曰利民欲者莫如用爵致粟矣能以

粟拜爵者皆民之有餘者也取有餘以給塞下之食

則富人有爵而貧民損益於征賦矣此以有餘補不

足而貧富之民各得其願也

○豆

藝文類聚

物理論曰菽者衆豆之總名

龍魚河圖曰歲暮夕

四更中取二七豆子二七麻子家人頭少許髮合麻

子豆著井中祝勅井吏其家竟年不遭傷寒辟五温

鬼管子曰桓公北伐山戎以戎菽遍布於天下

鶚冠子曰兩葉蔽目不見太山雙豆塞耳不聞雷霆  
 史記曰棄為兒時好種樹麻菽麥 東觀漢記曰  
 閔仲叔太原人也與周黨相友黨母過仲叔共啜菽  
 飲水無菜茹 又曰劉平嘗為餓賊所劫叩頭曰老  
 母飢少氣力待平為命願得還飯食母馳來就死涕  
 泣發於肝膽賊即遣去乃撫三升豆以謝賊恩 古  
 今注曰宣帝元康四年南陽雨豆 吳志曰趙達善  
 算使人取小豆數升播之席上立知其數 王隱晉  
 書曰時王浚稱制邊陲潛使人問霍原原不荅浚既  
 銜之有遼東內從三百餘人依山為賊意欲劫原為

王亦未能行時有謠曰天子在何許近在豆田中豆  
 者為霍浚遂害原懸其首諸生悲哭其下 鄴中記  
 曰石勒諱胡胡物改名名胡麩曰麻餅胡綏曰香綏  
 胡豆曰國豆 笑林曰有人弔喪并欲賞物助之問  
 人可與何等物人荅曰錢布穀帛任卿所有耳因賞  
 大豆一斛相與孝子哭喚奈何已以為問豆荅曰可  
 作飯孝子哭復喚窮已曰適得便窮自當更送一斛  
 雜五行書曰常以正月旦日亦用月半以麻子七  
 枚赤豆二七枚著井中辟温病甚神効 與龍魚河圖  
 語小異故重  
 取

豆二

初學記

張揖廣雅曰大豆菽也小豆荅也𧄸豆碗豆留豆也  
 胡豆豨雙也豆角謂之莢其葉謂之藿也巴菽巴豆  
 也說文曰其豆莖廣志曰種小豆一歲三熟味甘白  
 豆麤大可食刺豆亦可食秬豆苗似小豆紫華可為  
 麩生朱提建寧胡豆有青有黃者事類長莖 大目  
呂氏春秋曰得時之菽長莖而短足其莢二七以為  
 族多枝數節競葉蕃實 春秋左助期曰豆神為靈  
 趙長七尺大 紫色 綠色 上詳叙事 王子年拾遺  
 目通於時節 見日則傾葉食者歷歲不飢豆莖  
 皆大若指而綠一莖爛漫數畝

豆三

帖白

菽麥不辨

周子有兄

飢寒俱解

後漢光武曰昨公燕

民采

中原有菽庶

楊惲歌

曰種一畝豆

隕霜殺菽

人食半菽

**賦**張翰豆羹賦曰乃有孟秋嘉菽垂枝挺莢是刈是

穫充簞盈篋香鑠和調周疾赴急時御一杯下咽三

歎時在下邑頗多艱難空匱之厄固不綴懽追念昔

日啜菽永安

○麻一

藝文類聚

爾雅曰枲麻賡枲實

賡麻子也

賡字麻母

直麻麻之

廣

雅曰賡麻也

毛詩曰丘中有麻

又曰東門之池

可以漚麻 又曰麻麥蒙蒙 蒙蒙茂也 又曰藝麻如之

何衡從其畝 禮記曰仲秋之月天子乃以犬嘗麻

先薦寢廟 麻新廢也 風俗通曰蓬生麻中不扶自直

淮南子曰汾水濛濁而宜麻 東觀漢記曰閔仲叔

太原人也與周黨友嘗遺其生麻仲叔歎曰我欲首

煩耳受而不食

麻二 初學記

案叙養生要集曰麻子味甘無毒主補中益氣服之

令人肥健麻子一名麻蕒一名麻勃廣雅曰苣藤弘

胡麻也抱朴子曰胡麻一名方莖服餌不老耐風濕

其葉名青襄專對紫色 紅苣 王子年拾遺記曰東極之東有紫實之麻

粒如栗色紫迳為油則汁如清水食之目視鬼魅也

寒乃益氣 飛明 上詳叙事 王子年拾遺記曰有

亦名明紅冰 紫粒 王子年拾遺記曰東極之東有

塵麻 之令人顏色白潔 又曰有紫實麻粒如栗

麻三 帖白

漚水 左傳柯鄆人漚菅者 爭池 石勒與李陽爭 宜五

原 後漢五原宜麻泉崔寔為太守斥績八月 績八月 八月 時

頌 周禮典京掌布總縷紵之麻草之物以待時頌功

頌 而受齋及獻功受苦功以其賈揭而藏之以待時

化理 注氣理絲泉也 藝之於畝 漚之於池 是刈是

穫

載紡載績

如雪麻衣有條而不

贊

晉郭璞麻贊曰草皮之良莫貴於麻用無不給服

無不加至物在邇求之好遐

○麥藝文類聚

毛詩曰爰采麥矣沫之北矣 又曰丘中有麥 又

曰貽我來麩大麥也 左傳曰夏四月鄭祭足帥師取

溫之麥 又曰晉侯夢大厲公覺召桑田巫巫曰不

食新矣六月晉侯欲麥周六月今四月麥始熟 使甸人獻麥饋

人為之召桑田巫至而殺之將食張如廁陷而卒

莊子曰儒以詩禮發冢小儒口中有珠詩曰青青之

麥生陵之陂生不施死何含珠為 秦子曰孔

又舉為北海相有遭父喪哭泣墓側色無憔悴文舉

殺之又有母病瘥思食新麥家無乃盜鄰熟麥而進

之文舉聞之特賞曰無有來討勿復盜也盜而不罪

者以為勤於母飢哭而見殺者以為形慈而實否

家語曰宓子賤為單父宰百姓化之齊人攻魯道由

單父單父父老請曰麥已熟矣今齊寇至不及人人

自收其麥請放民皆使出獲麥可以益糧且不資寇

三請而宓子賤不聽俄而齊寇逮乎麥季孫聞之怒

使人讓曰民寒耕熟芸曾不得食可不哀哉猶可有



告而不聽非所以也宓子釐然曰今茲無麥明年可  
樹若使不耕者得獲是使民樂有寇也且單父得一  
歲之麥於魯不加強喪之不加弱使民有自取之心  
其創必數世不息季孫聞之赧然媿曰地若可入吾  
豈忍見宓子哉 史記曰箕子朝周過故殷墟見禾  
黍箕子傷之欲哭則不可欲泣爲其近婦人乃作麥  
秀之詩以歌詠之其詩曰麥秀漸漸兮禾黍油油  
漢書曰武帝外事四夷而民去本董仲舒說上曰春  
秋他穀不書至於麥禾不成則書之以此見聖人五  
穀最重粟麥 東觀漢記曰高鳳南陽人誦讀書夜

不絕妻嘗之田曝麥於庭以竿授鳳令護鷄受竿謂  
經如故天大雷暴雨淹流鳳留意在經史忽不視麥  
麥隨水漂去 又曰張堪爲漁陽太守勸民耕種以  
致殷富百姓歌曰桑無附枝麥穗兩岐張君爲政樂  
不可支 續漢書曰桓帝時童謠曰小麥青青大麥  
枯誰當穫者婦與姑丈夫何在西擊胡 曹瞞傳曰  
太祖嘗行經麥中令士卒無敗麥犯者死騎士皆下  
馬持麥以相付時太祖馬騰入麥中勅主簿議罪主  
簿對以春秋之義罰不加於尊太祖曰制法而自犯  
之何以率下然孤爲軍師不可殺請自刑因援劔割

髮以置地 諸葛恪別傳曰孫權嘗饗蜀使費禕禕  
停食麩索筆作麥賦恪亦請筆作磨賦咸稱善焉  
晉中興書曰苻健洪第三弟健陰圖關中陽使其徒  
種麥示無西意 博物志曰近世有田夫至巧而不  
自覺也其婦稱之猶不自信乃削木為麥入市糶之  
糶者無疑歸磨乃覺非麥

麥二 初學記

張揖廣雅曰大麥麩也小麥稜也說文曰麥金也  
金玉而生火玉而死麩周所受來麩也稻麥莖廣志  
曰稗麥似大麥出涼州旋麥三月種八月熟出西方

赤小麥而肥出鄭縣有半夏小麥有秀芒大麥有黑

穰麥事對 一莖 九穗 晉起居注曰太康十年嘉麥

枝實三倍 崔鴻前涼錄曰永嘉  
元年嘉麥一莖九穗生于姑臧 三葉 兩岐 呂氏  
曰益夏之山百穀三葉 而獲大麥 下詳類聚

麥三 帖白

芄芄 其麥 漸漸 天子嘗 孟夏農乃登麥天 聖人重

董仲舒春秋云聖人重麥 鄭師取 甸人獻 並詳類聚  
如此宜今關中種粟麥 八月勤人種 麥無或失時

登 月令仲春行夏令則 陽氣不勝麥乃不登 勸種 麥無或失時  
秦魏黃觀曰今年麥苗雖好臨熟多雨而悉復偃壞  
小麥略盡惟穰麥大麥頗得半收耳

○米

藝文類聚

白帖併入

禮記曰獻米者操量鼓 家語子路見孔子曰由也  
 事二親之時常食藜藿之實而為親負米百里之外  
 親沒之後南遊從車百乘積粟萬鍾重茵而坐列鼎  
 而食願欲藜藿為親負米而不可復得也 孫卿子  
 曰仁義禮智之於人也譬之若貨財米粟之於家也  
 多有之者富少有之者貧至無者窮 古史考曰神  
 農時民食穀釋米加燒石上而食之 漢書曰宣曲  
 任氏其先為督道倉秦敗豪傑爭取金玉任氏獨窖  
 倉粟楚漢相距滎陽民不得耕種米石萬錢而豪傑

金玉盡歸任氏任氏以此起富 又曰賈捐之云武  
 帝元狩六年太倉粟紅腐不可食 又曰東方朔云  
 如以臣言無可用之宜捐棄無空索長安之米 東  
 觀漢記云馬援勸光武伐隗囂聚米為山川地勢上  
 曰虜在吾目中矣 又曰第五倫性節儉作會稽郡  
 雖為二千石臥布被自養馬妻炊爨受俸祿常求赤  
 米與小吏受等財留一月俸餘皆賤糶與民饑羸者  
 九州春秋曰臧洪為青州刺史為袁紹所圍糧食  
 盡厨有米三升主簿啓進肉稍以為糜粥洪歎曰吾  
 獨食此何味命使為薄粥與眾共歎之 吳志曰魯

肅以振窮士為務甚得邑人歡心周瑜為居巢長將數百人故過候肅并告資糧肅家有困米各三千斛乃指一困與瑜瑜益知其奇也遂相親結定僑札之分又曰全琮父使琮賫米數斛到吳有所市具琮至皆散空船而還父大怒琮頓首曰愚以所市非急而士大夫方有倒懸之患故便賑贍不及啓報父便以奇之世說曰邽嘉賓餉釋道安米千斛道安荅直云損米愈覺有待之煩語林曰陳壽將為國志謂丁梁州曰若可覓千斛米見借當為尊公作佳傳丁不與米遂以無傳

齊王融謝勅賜米啓曰臣無王陽之術計然之策不能負粟百里分地一廛上虧溫養自取饑切豈憚外恩橫集天私妄委梁簡文帝謝勅資長生米啓曰堯禾五尺未足稱珍漢麥九穗方斯非擬如隨瑞鹿若降神鳥暮律向遊獻春方始食乃民天之貴粒有延齡之名藉此資身因斯養性梁庾肩吾謝東宮資米啓曰渚水鳴蟬香聞七里瓊山合穎租歸十縣肩吾人慙振藻徒降雲間之松職溢便繁空撤家承之俸成珠委地事重逢仙游玉為糧珍踰入楚雖復激水滄流不待監河之說春風掃地方誦文學之

五嶽 又謝湘東王賚米啓曰竊以月滿則虧恩來無  
爽海潮雖大萬江恒注遂使連箱委地不殊陽翟盈  
倉接宇寧異海陵 周庾信謝趙王賚米啓曰比漏  
巷簞瓢櫛風沐雨剥榆皮於秋寒掘蟄燕於寒山仰  
費國租遂開塵甑非丹竈而流珠異荆臺而炊玉東  
方朔之俸米既息長饑西門豹之墾田方慙此賚

○糠北堂書鈔

糠秕在前 世說云王又度范崇期俱為簡文所要范在前既移久王遂在范後王因謂曰餼之砥糠及米  
漢魏春秋云甄后詭膠西王曰砥糠及米以糠塞口之誅由郭后之寵

及殯令以糠塞口後明帝播糠眯目 莊子云播糠眯目則天地四方

排糠障風 郡典兵若排糠障風陶沙壅河積

糠成山 交州記云合浦海口有糠頭山食糠而肥

燃糠自照 齊書云顧歡所居鄉中有學舍

歡貧無以受業夕則燃松節讀書或燃糠自照

○拾摺白帖

並歌 列子類林年百歲於春跪把

自資 後漢朝議以范丹為侍御史乃通梁

斂材 獲穉獲穉詩拾芥斂穉詩遺秉

斂穉 獲穉詩拾芥斂穉詩遺秉

遺乘 **滯穗** 此有滯 **俯有拾仰有取** 漢書 **分夷險序長幼**  
險序長幼推易居難禮無違者

○儲蓄

**歛薪芻** 周禮地官委人掌歛野之賦歛薪芻凡疎材木材疎材草木有實 **蓄聚物** 詳

**九年之蓄** 王制曰國無九年之蓄曰不足無六年之蓄曰凶無三年之蓄曰國非其國也

**年之食** 王制三年耕必有一年之蓄國用雖有凶旱水

溢人無菜色然後 **務蓄** 月令務蓄菜 **務納** 月令無納 **紆積聚**

天子食日舉以樂 **聚禾粟** 子產曰陳其亡乎聚禾粟而不撫其

晉饑晉侯紆積聚以貸無 **聚禾粟** 聚禾粟而不撫其

蘊年注蘊積歛不分災也 **聚禾粟** 聚禾粟而不撫其

**公私之積** 賈誼曰漢幾三十歲聚歛之臣 **委積**

地官委人掌軍旅 **保聚** 敝邑不謹蓋藏 月令十月謹

供其委積 **保聚** 敝邑不謹蓋藏 月令十月謹

不欽 **實倉君厚** 倉厚實而 **乃積乃倉** 于橐于囊

聚無有不欽 **實倉君厚** 倉厚實而 **乃積乃倉** 于橐于囊

藥部 **明東吳命安明彙纂**

女羅 空青 均藥 天門 百合 兔絲 黃連 梔子 益智 柴胡 合歡

本草經曰太一子曰凡藥上者養命中者養性下者

養病 尚書曰若藥不瞑眩厥疾弗瘳 禮記曰君

有疾飲藥臣先嘗之親有疾飲藥子先嘗之醫不三

**唐類函卷一百八十**

唐類函卷一百八十

廣文又與邑人之山拾橡分實  
長幼惟易居難禮無遠者

○儲蓄

欽新穀 周禮地官委人掌斂野之財斂新蓄聚物  
九年之蓄 王制國無九年之蓄曰不足無六年之蓄  
年之食 王制三年耕必有一年之蓄曰國非其國也  
蓋人無菜色然後務蓄 月令務納不務納紆積聚  
晉饑晉侯紆積聚以貸無聚禾粟 聚禾粟而不撫其  
氏公私之積 賈誼曰漢幾三十歲聚斂之臣委積  
實合稟 實合稟 實合稟 實合稟 實合稟 實合稟 實合稟

唐類函卷一百八十一

明東吳俞安期彙纂

明梁谿孫源忠校訂

藥部

藥 空青 芍藥 百合 兔絲  
女蘿 欵冬 天門 芣苢 薯蕷  
菖蒲 木 梔子 槿榔 益智 茱萸 合歡

黃連 黃連 梔子

○藥一類聚

本草經曰太一子曰凡藥上者養命中者養性下者  
養病 尚書曰若藥不瞑眩厥疾弗瘳 禮記曰君  
有疾飲藥臣先嘗之親有疾飲藥子先嘗之醫不三  
世不服其藥 左傳臧孫曰季孫之愛我美疹也孟

藥部

卷一百八十一

藥

孫之惡我藥石也美疹不如藥石 論語曰康子饋藥拜而受之曰丘未達不敢嘗 墨子南遊見楚惠王穆賀謂墨子曰言誠善矣王無內曰賤人所爲不用子墨子曰譬若藥焉夫子服之以療其病豈曰一草之本而不食之 淮南子曰羿請不死之藥於西王母姮娥竊以奔月 戰國策曰有獻不死之藥於荆王者謁者操以入中射之士問曰可食乎曰可因奪而食之王怒使人殺中射之士中射之士使人說王曰臣問謁者謁者曰可食臣故食之是臣無罪罪在謁者也且客獻不死之藥臣食之而王殺臣是死

藥也王乃不殺 史記曰長桑公與扁鵲藥服之三十日見人五臟 漢書曰灌夫擊吳身中大鎗十餘適有萬金良藥故不得死 東觀漢記曰上嘗與朱祐共買蜜合藥上追念之卽賜祐白蜜一石問何如在長安時共買蜜乎 東方朔傳曰武帝好方士朔曰陛下所使取神藥者皆天地之間藥不能使人不死獨取死人藥天上藥能使人不死耳上曰天何可至朔曰臣能上天旣辭去出殿門復還曰今臣上天似謾誕者願得一人爲信驗上卽遣方士與朔俱期三十日而返朔等辭而行日日過諸侯傳飲方士畫



臥朔遽呼之曰若極久不應我何耶今者屬從天上  
來方士大驚乃具以聞上問朔朔曰誦天上之物不  
可稱原上以爲面欺詔朔下獄問之左右方提去朔  
啼泣對曰使須幾死者再上曰何也朔對曰天公問  
臣下方人何衣臣對曰衣蟲蟲何若臣對曰蟲喙頗  
頗類馬色邠邠類虎天公大怒以臣爲慢使使下問  
還報名曰蠶天公乃出臣今陛下苟以爲詐願使人  
上天問之上大驚曰善欲以喻我止方士也 漢武  
帝傳曰西王母謂武帝曰其太上之藥乃有風實雲  
玉津金漿宜陵麟膽炎山夜日東嶽扶桑之丹棋

俯採長河之文藻太真紅芝九色鳳腦有得食之後  
天而老此太上之所服非衆仙之所寶也次藥有斑  
龍黑胎閩風石髓蒙山白鳳之肺靈丘蒼鸞之血有  
得服之後天而逝此天帝之所服非下仙之所逮也  
其次藥有九丹金液紫華紅芝五雲之漿玄霜絳雪  
若得食之白日升天此天仙之所服非地仙之所見  
其下藥有松柏之膏山木姜沈精菊草澤瀉枸杞茯  
苓菖蒲門冬巨勝黃精草類煩多若有數千子得服  
之可以延年 魏志曰太祖性嚴毅屬公事往往加  
杖何夔常蓄毒藥誓死無辱是以終不見及 晉陽

秋曰吳陸抗與晉羊祜推僑札之好抗嘗遺祜酒祜  
飲之不疑抗有疾祜饋之藥抗亦推心而服之 沈  
約宋書曰張禕字少微禕少有操行歷官爲瑯琊王  
國郎中令王還京都高祖封酒一甕付禕使密加王  
醜毒禕受命既還於道自飲藥酒而卒 錄異記曰  
永陽縣山壁有石室爲神農窟前百藥叢茂莫不畢  
備詳皇甫謐高士傳曰韓康字伯休京兆霸陵人  
常採藥名山賣於長安市口不二價三十餘年時女  
子從康買藥守價不移女子怒曰公是韓伯休耶乃  
不二價康歎曰我本避名今女子皆知有我何用藥

爲乃遁入灞陵山中 邴原別傳曰魏太子爲五官  
中郎將原爲長史太子宴會衆賓客數十人太子建  
議曰君父各篤疾有藥一丸可救一人當救君耶父  
耶衆人紛葩或君或父時原在坐不與此論太子諮  
之於原原勃然對曰父也太子亦不復難 列仙傳  
曰負局先生者負摩鏡局循吳市中得一錢便磨輒  
問主人得無有疾若若有輒出紫丸藥以與之又  
曰崔文子賣黃散發疫死者萬計服皆愈愈者亦萬  
計 異苑曰魏武北征蹋頓升嶺眺矚見一山岡不  
生百草王粲曰是古塚此人在世服礬石死而石生

熱蒸出外故卉木焦滅即令鑿看果得大墓有礬石  
 滿瑩仲宣博識強記皆此類也一說粲在荊州從劉  
 表登彰山見此異按魏武之平烏丸粲猶在荊南此  
 言為謫曹毗杜蘭香傳曰神女蘭香降張碩碩問  
 禱祀何如香曰消摩自可愈疾淫祀無益香以藥為  
 消摩

藥二帖白

嘗味帝王世紀黃帝使聚毒醫師掌聚毒藥有喜易  
岐伯嘗味於百藥聚毒注藥之辛苦者有喜曰  
勿藥有喜象曰無不疑陸抗疾羊祜饋藥抗不疑而  
妄之藥不可試也不疑飲之或止之抗曰羊叔子豈  
醜人毒淫上流晉投水公注齊人職守遂  
者哉毒淫師飲之故多死者投水遂人投藥水中齊

人飲之  
 子操孝子操藥以修婢丸晉陳壽父喪羸病

餘苦口張良云良藥養性詳類宜董驪姬宜董於肉

加醜尤約宋書寒石皇甫謐字士安羸疾而披玩不

殺叔母止之蛇膽詳孝百藥月令仲夏五藥草木蟲

有五色魏文帝詩與我一可百歲漆葉青結散華佗

百餘許止進傳曰許悼公瘞飲太子止之藥卒故書

歲可也言藥有毒非常人知之王道遺郭文宇文舉

文曰命在天不在將欲救療蓄藥石宜正權衡裴顏

藥壽長短時也將欲救療蓄藥石宜正權衡裴顏

宜正太醫權衡此若差違失神農岐伯之正藥分馬

兩輕重稍乖為害尤深古壽考今天折由此也援之欲身輕將求薏苡而輕身辟邪氣乃載一車來

為種人言榜所載皆明珠文犀無射之憂腹疾空望芎藭申叔展謂還無射曰

有山芎藭乎曰無河魚腹疾奈何注云欲使無射逃水中故問以禦濕之藥奈腹疾何審味於

農帝之經 考名於桐君之錄 列君臣百品之名 辨辛苦五毒之味

**詩**古詩曰仙人騎白鹿短髮耳何長來至主人門奉

藥一玉箱主人服此藥身體日康強髮白復更黑延

年壽命長 宋鮑昭遇銅山採藥詩曰土肪閔中經

芝朮韜內策寶餌緩童年命藥駐衰歷銅谿晝森沈

乳竇夜瀝滴蹀蹀寒葉離叢叢秋水積松色隨野深

月露依草白 梁沈約憇郊園和約法師採藥詩曰

郭外三千畝欲以質朝饘繁蔬既綺布密果亦星懸

梁吳筠採藥大布山詩曰我本比山北緣澗採山

麻九莖日反照三葉長生花可用蠲憂疾聊持駐景

斜景斜不可駐年來果如驅安得崑崙山偃蹇三珠

樹三珠始結芴絳葉凌朱臺玉壺白鳳肺金鼎青龍

胎韓衆及王子何世無仙才安期儻欲顧相見在蓬

萊 陳劉刪採藥遊名山詩曰名山本鬱盤道士貴

黃冠獨馭千年鶴來尋五色丸石牀新溜乳金竈欲

成丹定知無二價非復在長安

**啓**梁劉孝綽謝給藥啓曰一物之微遂留膏盲名醫

上藥爰自城府雖巫咸視診岐伯下鍼松子玉漿衛卿雲液比妙衆珍實云多愧

○空青 藝文類聚

本草經曰空青生山谷久服輕身延年能化銅鉛作金生益州 范子計然曰空青出巴郡白青曾青出弘農豫章白青出新淦青色者善 博物志曰徐公時令人於西平青山採取空青 江乘地記曰樵採者常於口山上得空青此山一朝出雲零雨必降民人以爲常占

梁江淹空青賦曰夫赤瓊以照燎爲光碧石以葳

蕤爲色咸見珍於東國並被貴於西極况空青之麗寶挺山海之不測於是寫雲圖氣學靈狀仙寶波麗水華峰豔山暘谷之樹崦嵫之泉西海之草炎州之煙有曲帳畫屏素女綵扇錦色雲爵綺質蔓延點拂濃薄如隱如見山水萬象丹青四變咸百鎰而可珍亦千金而不賤

○芍藥 藝文類聚

本草經曰芍藥一名白朮生山谷及中岳 古今注曰芍藥一名可離 毛詩曰惟士與女伊其相謔贈之以芍藥

**賦**宋王徽芍藥華賦曰原夫神區之麗草兮憑厚德而挺受翕光液而發藻兮颺暉而振秀

**頌**晉傳統妻芍藥花頌曰曄曄芍藥植此前庭晨潤甘露晝晞陽靈曾不踰時荏苒繁茂綠葉青葱應期吐秀緗藥攢挺素華菲敷光譬朝日色豔芙蕖媛人是採以厠金翠發彼妖容增此婉媚惟昔風人托茲榮華聊用興思染翰作歌

○百合 藝文類聚

吳氏本草曰百合一名重邁一名中庭一名重匡生宛胸及荆山

**詩**梁宣帝詠百合詩曰接葉有多重開花無異色含露或低垂從風時偃仰

○兔絲 藝文類聚

爾雅曰唐蒙女蘿兔絲也 呂氏春秋曰或謂兔絲無根也其根不屬地茯苓是也 淮南子曰兔絲無根而生茯苓抽兔絲死 抱朴子曰按仙方中自有合離草一名獨搖一名離母所以為之合離離母者小草為物下根如芋魁有遊子十二枚周環之去大魁數尺雖相須而實不連但以氣相屬耳如兔絲之草下有伏兔之根無此兔在下則絲不得生於上然

實不屬也 又內篇云兔絲初生之根其形似兔掘取剖其血以和丹服之立變化任意所作 史記龜策傳曰下有茯苓上有兔絲

詩齊謝朓兔絲詩曰輕絲既難理細縷竟無織瀾漫已萬條連綿復一色安根不可知縈心終不測

○女蘿 藝文類聚

廣雅曰女蘿松蘿也兔絲也 毛詩曰葛與女蘿施於松上 占詩曰兔絲與女蘿

齊王融詠女蘿詩曰窈歷女蘿草蔓衍旁松枝含煙黃且綠因風卷復垂 陳劉勰賦松上輕蘿詩曰

葉繞千年蓋條依百尺枝屬與松風動時將薜影垂學帶非難結為衣或易披山阿若近遠獨有楚人知

○欵冬 藝文類聚

本草經曰欵冬一名顆冬一名菟奚生常山 爾雅曰菟奚顆凍生水中莖紫赤 范子曰欵冬花出三輔 吳氏本草曰欵冬十二月花黃白 述征記曰洛水至歲凝厲則欵冬花皮悅層冰之中

晉傅咸欵冬花賦曰惟茲奇卉欵冬而生原厥物之載育稟淳粹之至精用能託體固陰利此堅貞惡朱紫之相奪患居衆之易傾在萬物之並作故韜華

而弗逞逮皆死以枯槁獨保質而全形

**贊**晉郭璞欵冬贊曰吹萬不同陽煦陰蒸欵冬之生擢穎堅冰物體所安焉知渙凝

○天門冬 藝文類聚

本草經曰天門冬一名顛勒味苦殺三蟲 爾雅曰薔蘿薔冬也 抱朴子曰杜子微服天門冬御十八妾有子百四十人日行三百里 列仙傳曰赤項子食天門冬齒落更生細髮復出 神仙傳曰甘始者太原人服天門冬在人間三百餘年 內篇曰天門冬或名地門冬或名延門冬或名顛棘 山海經曰

條公山卓多薔冬 建康記曰建康出天門冬極精

妙 名山略記曰鬱山出天門冬

**啓**梁簡文帝謝勅賚益州天門冬啓曰建自星橋見珍玉壘本草稱其輕身延壽實為上藥姬晉之重丹桂曹丕之愛落英一家恩錫竊幸往代

○茅苜 藝文類聚

爾雅曰茅苜馬馬馬車前也 毛詩曰采采茅苜薄言采之

**贊**晉郭璞茅苜贊曰車前之草別名茅苜王會之云其實如李名之相亂在乎疑似



○薯蕷 藝文類聚

本草經曰薯蕷一名山芋益氣力長肌肉除邪氣久服輕身耳目聰明不飢延年生嵩山 吳氏本草曰薯蕷一名諸薯 湘中記曰永和初有採藥衡山者道迷糧盡過息巖下見一老公四五年少對執書告之以饑與其食物如薯蕷指教所去六日至家而不復饑 異苑曰薯蕷入藥久復可食野人謂之土薯若欲掘取嘿然而獲唱名者便不可得人有植者隨所種之物而像之也

須 梁江淹薯蕷頌曰華不可炫葉不足憐微根儻餌

棄劍為仙黃金共壽青曠爭年君謂无妄我驗衡山

○菖蒲 藝文類聚

吳氏本草曰菖蒲一名堯韭一名昌陽 左傳曰王使周公閱來聘饗有昌獸 春秋運斗樞曰玉衡星散為菖蒲遠雅頌著偃優則玉衡不明菖蒲冠環 孝經援神契曰菖蒲益聰 抱朴子曰韓終服菖蒲十三年身有毛 神仙傳曰王興者陽城人漢武帝上嵩高忽見有仙人長二丈耳出額下垂肩帝禮而問之仙人曰吾九疑人也聞中嶽有石上菖蒲一寸九節食之可以長生故來採之忽然不見帝問侍臣

曰彼非欲服食者以此喻朕耳 山海經曰菖蒲一  
寸九節韓終王興所服並然而此過之有足珍也

羅浮山記曰羅浮山中菖蒲一寸十二節

詩梁江淹石上菖蒲詩口瑤琴久蕪沒金鏡廢不看  
不見空閨裏縱橫愁思端緩步遵汀渚揚柁泛春瀾

電至煙流綺水綠桂涵丹憑酒竟未悅半影方自歎  
每為憂見及杜若詎能寬冀採石上草得以駐餘顏

頌梁江淹菖蒲頌曰藥實靈品爰迺輔性除疴衛福  
蠲邪養正縹色外妍金光內映草經所珍山圖是詠

○木 藝文類聚

本草經曰木一名山筋久服不饑輕身延年生鄆山

吳氏本草曰木一名山連一名山芥一名天藤一

名山姜 范子曰木出三輔黃白色者善 抱朴子

內篇曰南陽文氏其先祖漢中人值亂逃華山中饑

困欲死有二人教之食木云遂不饑數十年乃來還

鄉里顏色更少氣力轉勝故木一名山精故神藥經

曰必欲長生當服山精 列仙傳曰涓子餌木接食

其精三百年乃見於齊 神仙傳曰陳子皇得餌木

要方服之得仙入霍山去其妻妾疲病念其婿採木

之法服之病自愈至三百七歲登山取木擔而歸不

息不極顏色氣力如二十時 山海經曰首山之陰  
 多木女儿之山其草多朮 廣州記曰彰平縣偏饒  
 朮 建康記曰建康出精朮 崔氏四民月令曰二  
 月採朮 羈術曰朮草者山之精也結陰陽精氣服  
 之令人長生絕穀致神仙

**啓** 梁庾肩吾荅陶隱居賚朮煎啓曰竊以綠葉抽條  
 生於首峰之側紫花標色出自鄭岩之下自邪外禦  
 六府內充山精見書華神在籙木熒火謝盡採擷之  
 難啓且移中窮淋瀝之劑故能競爽雲珠爭竒冰玉  
 自非身疲掌視役倦攀桃豈可立致還年坐生羽翼

臨沅丹井方覺可捐酈縣菊泉無勞復汲庶得遨遊  
 海岸追消子之塵馳驚霍山共陳生為侶謔俗輕施  
 尚曰難酬出世鴻恩寧知上報 又荅陶隱居賚朮  
 蒸啓曰味重金漿芳踰玉液足使芝慚九明丹愧芙  
 蓉坐致延生伏深銘載

○檳榔 藝文類聚

周成雜字曰檳榔果也似螺可食 李當之藥錄曰  
 檳榔一名檳門 廣志曰木實曰檳榔樹無枝略如  
 柱其顛生穉而秀生棘針重疊其下彼方珍之以為  
 口實亦出交趾 邑林記曰檳榔樹高十餘丈皮似

青桐節如桂竹下森秀無柯端頂有葉葉似甘蔗條  
 派開破仰望眇眇如鍾叢蕉於竹杪風至獨動似舉  
 羽扇之掃天葉下繫數房房綴數十子家有數百樹  
 異物志曰檳榔樹若筍竹生竿近上未五六尺間  
 洪腫起如癭木焉因拆裂出若黍秀也無華而為實  
 大如桃李天生棘重累其下所以禦衛其實也剖其  
 上皮煮其膚熟而實之堅如乾棗以扶留古貴并食  
 則滑美下氣及宿食消穀 南中八郡志曰檳榔土  
 人以為貴欸客必先進若邂逅不設用相嫌恨 顧  
 微廣州記曰山檳榔形小而大於蒟子蒟子土人亦

呼為檳榔

**詩** 梁劉孝綽詠有人乞牛舌乳不付因餉檳榔詩曰  
 陳乳何能貴爛舌不成珍空持渝皓齒非但汗丹脣  
 別有無枝實曾要湛上人差比朱櫻熟詎易紫梨津  
 莫言帶中久當看心裏新微芳雖不足含咽願相親  
 周庾信詠檳榔詩曰綠房千子熟紫穗百花開莫  
 言行萬里曾經相識來

**啓** 梁王儒謝賜于佗利所獻檳榔啓曰竊以交軌一  
 覃充仞斯及入侍請朔航海梯山獻琛奉貢充庖盈  
 府故其取題在賦多述俞書萍實非甘荔葩慙美

梁庾肩吾謝賚檳榔啓曰形均綠竹詎掃山壇色譬  
青桐不生空井事踰紫柰用兼芳菊方爲口實永以  
蠲痾 又謝東宮賚檳榔啓曰無勞朱實兼荔支之  
五滋能發紅顏類芙蓉之十酒登玉案而上陳出珠  
盤而下逮澤深溫柰恩均含棗

**棧**俞益期棧曰檳榔信南越之可觀子旣非常木亦  
特異大者三圍高者九丈葉聚樹端房構葉下華秀  
房中子結房外其擢穗似禾其綴實似穀其皮似桐  
而厚其節似竹而概其中空其外勁本不大末不小  
上不傾下不邪調直亭亭千百若一步其林則寥明

庇其陰則蕭條信可以長吟可以遠想矣性不耐霜  
不得北植必當遐樹海南遼然萬里弗遇長者之日  
自令恨深

○益智

藝文類聚

廣志曰益智葉似蘘荷長丈餘其根有小枝高者八  
九寸無葉小萼其子叢生著之大如棗中瓣黑皮白核  
小者曰益智含之攝涎滅出萬壽亦生交趾 南方  
草物狀曰益智子如筆毫長七八分二月華色似蓮  
著實五六片熟味辛雜五味中芬芳亦可鹽曝出交  
趾合浦 顧微廣州記曰益智葉如蘘荷莖如竹箭

子從心出一枝有十子子肉白滑四破去之取外皮

蜜煮為粽味辛 二十六國春秋曰安帝元年盧循

為廣州刺史循遺劉裕益智粽裕乃荅以續命湯 周

景式廬山記曰山果有益智蒲萄

**詩**梁劉孝勝詠益智詩曰挺芳銅嶺上擢穎石門端

連叢去本葉雜子委雕盤寧推不迷草詎識聰明丸

儻逢公子宴方厭永夜歡

**書**慧遠法師荅盧循書曰捐餉六種深抱情至益智

乃是一方異味即於僧中行之

○茱萸類聚

說文曰檄似茱萸出淮南 風土記曰茱萸檄也九

月九日熟色赤可采時也 洞林曰郭璞避難至新

息有以茱萸令璞射之璞曰子如赤鈴含玄珠案文

言之是茱萸 異苑曰庾紹為湘東郡亡宗協與紹

中表且服茱萸酒忽見紹來仍求酒執酒杯還置云

有茱萸氣協云惡之邪紹云上官皆畏之况我乎

荆楚記曰九月九日佩茱萸食蓬餌飲菊花酒令人

長壽 續齊諧記曰汝南桓景隨費長房遊學謂之

曰九月九日汝南當有災厄急令家人縫囊盛茱萸

繫臂登山飲菊花酒此禍可消景如其言舉家上山

夕還見雞犬一時暴死長房曰此可代之今人九月九日登高是也。離騷曰椒專佞以慢諂兮檓又克夫佩幃。

**賦** 晉孫楚茱萸賦曰有茱萸之嘉木植茅茨之前庭歷漢女而始育關百載而長生森蔓延以盛典布綠葉於紫莖頡頏火西徂白藏授節零露既凝鷹隼飄厲攀紫房於<sub>此</sub>柯綴朱實之酷烈應神農之本草療生民之疹疾。

○合歡

雲文  
相聚

本草經曰合歡味甘平生川谷安五臟和心志令人

歡樂無憂久服輕身明目生益州。仲長統昌言曰漢哀帝時有異物生於長樂宮東廡柏樹及永巷南闔合歡樹議者以為芝草也羣臣皆賀受賜。古今注曰知蠲人之忿則贈以青囊一名合歡則忘忿枝葉若繁互相交結每一風來輒自相解不相牽綴嵇康種之舍前。晉宮閣名曰華林園合歡四株。晉楊方合歡詩曰南鄰有奇樹承春挺素華豐翹被長條綠葉蔽朱柯因風吐微音芳氣入紫霞我心羨此木願徙著余家夕得遊其下朝得弄其葩爾根深且固余宅淺且沔移植良無期歎息將如何。

○黃蓮

藝文類聚

本草經曰黃蓮一名玉蓮味苦寒治熱

梁江淹黃蓮頌曰黃蓮上草丹砂之次禦孽辟妖長靈久視驂龍行天駟馬匝地鴻飛以儀順道則利

○梔子

藝文類聚

漢書曰梔茝園

梔支子也

本草經曰支子一名木丹

晉令曰諸宮有秩梔子守護者置吏一人 晉宮閣名曰華林園梔子五株 遊名山志曰樓石山多梔子 地鏡圖曰望氣占人家黃氣者梔子樹也

齊謝朓墻北梔子樹詩曰有美當階樹霜露未能

移金蕢發朱采映日以離離幸賴夕陽下餘景及四枝還思照綠水君階無曲池餘榮未能已晚日猶見奇復留傾筐德君恩信未貲 梁簡文帝詠梔子花詩曰素華偏可喜的的半臨池疑為霜裏葉復類雪封枝日斜光隱見風還影合離 宋顏測梔子贊曰濯雨時摘素當颺獨含芬豐榮殊未紀銷落竟誰聞

菜蔬部

菜蔬

葵

薺

葱

○菜蔬

藝文類聚

爾雅曰菜謂之蔬不熟曰饑 毛詩曰其藪維何惟



筍及蒲 又曰我有旨蓄亦以禦冬 周禮曰春入  
 學舍菜合舞 又曰凡蓄聚物以稍聚待賓客以旬  
 聚待羈旅凡餘物以待頒賜注云聚物諸瓜瓠葵芋  
 為禦冬之具 儀禮曰婚禮舅姑既沒則婦三月乃  
 奠菜蔬蓋用待告 禮記曰仲秋之月乃命有司趣  
 民務蓄菜 論語曰雖蔬食菜羹瓜祭必齋如也  
 呂氏春秋曰菜之美者崑崙之蔬壽木之華赤水之  
 菜餘裕之南有菜名嘉樹其色若碧 又曰菜之美  
 者具區之菁 莊子曰顏回不如甕三月 又曰宣  
 尼窮於陳蔡之間顏回擇菜 尚書曰大夫有汙豬

之宮雖生美菜有義之士不食 〇〇曰范宣挑菜  
 傷指大哭啼曰身體髮膚不敢毀傷故啼 王充論  
 衡曰董仲舒讀春秋三年不窺園菜 漢書張竦曰  
 古叛逆之國豬其宮室以為汙池名曰凶墟雖生菜  
 蔬而民不食 又西域傳曰罽賓地溫和冬食生菜  
 漢武內傳曰西王母曰仙之上藥有碧海之琅菜  
 魏志曰倭國地溫和冬夏食生菜 孝子傳曰洛  
 陽公輦水作漿兼以給過者公補屨不取其直天神  
 化為書生問公何不種菜曰無種即遺數升公種之  
 化為白璧餘皆為錢公得以娶婦 廣州先賢傳曰

丁密蒼梧人非家織布不衣非已耕種菜果不食  
 杜蘭香別傳曰香降張碩賞瓦榼酒七子櫟櫟多菜  
 而無他味亦有世間常菜輒有三種色或丹或紫一  
 物與海蛤相象并有非時菜碩云食之亦不甘然一  
 食七八日不饑 蜀都賦曰五肉七菜勝掩腥臊  
 文選曰野有菜蔬之色

菜蔬二帖白

豐木

祭宗廟之禮 註曰豐本

下體

詩云采葑采菲無以下體 註葑菲蔓菁與蓄之類也 醜

蓼

駕釀之蓼 註釀謂雜切也

祭韭

秋韭

冬菁

薤苗白

更亮 豈

野

雷白云 可以種 蔥寸斷 後漢陸績字智伯初下獄知母自野 斷食曰母所作羹其蔥必寸斷

人獻芹

屈到嗜芟

綠葵含露

白薤負霜

茶如飴

詩

有畦

殖貨志云 菜茹有畦

灌園

稻原與邑 灌園於山陽

梁皇太子謝勅賚河南菜啓曰海水無波來因九

譯周原澤洽味備百羞堯韭未儔姬歆非喻 又謝

勅賚大菘啓曰吳愧千里之尊蜀慙七菜之賦是知

泮宮採芹空入魯詩流火烹葵徒傳幽曲

○葵

藝文類聚

說文曰葵菜也

毛詩豳風曰七月烹葵及菽 左

傳仲尼曰鮑莊子之智不如葵葵猶能衛其足 莊子居亂

不能危行言 遜以致刑足

韓詩外傳曰魯監門女嬰相從績中

夜泣曰衛世子不肖是以泣其偶問其故曰宋司馬  
得罪於宋出奔於魯馬佚食吾園葵是歲亡利一半  
田是觀之禍福相及也 史記曰公儀休爲魯相食  
葵而美拔其園葵棄之 北齊書曰北齊彭城王攸  
在郡王氏種葵三畝被人盜之王密令書葵葉明旦  
市看之遂得偷者 列女傳曰魯漆室女倚柱而嘯  
鄰婦曰欲嫁乎曰吾憂魯君老而太子少也婦曰此  
魯大夫之憂女曰昔晉客舍吾家繫馬於園馬佚踐  
吾園葵使吾終歲不厭葵味 列仙傳曰丁次都不  
知何許人爲遼東丁氏作人丁氏常使買葵冬得生

葵問何得此葵云從日南買來 博物志曰陳葵子  
微妙令爆咤散著熱地中遍踏之朝種暮生遠不過  
宿 異苑曰苻堅將欲南師夢葵生城內明以問婦  
婦曰若征軍遠出難爲將也 師曠占曰黃帝問師  
曠曰欲知牛馬貴賤秋葵下小葵生牛馬貴大葵不  
蟲牛馬賤 七啓曰芳菰精澤霜蓄露葵 文選曰  
青青園中葵凝露待日晞 又曰譬如後園葵有葉  
待秋霜 又曰無以肉食資取笑葵與藿  
古詩曰採葵莫傷根傷根葵不生結友莫羞貧羞  
貧友不成 晉陸機園葵詩曰種葵北園中葵生鬱

萋萋朝榮東北傾夕穎西南晞靈露垂鮮澤朗日耀  
其暉時逝和風戢歲暮傷飈飛曾雲無溫液嚴霜有  
凝威幸蒙高墉德玄景蔭素蕤豐條並春盛落葉後  
秋衰慶彼晚彫福忘此孤生悲 又詩曰翩翩晚彫  
葵孤生寄北蕃被蒙覆露惠微軀後時殘庇足同一  
智生理各萬端不若聞道易但傷知命難

○薺藝文類聚

爾雅曰薺莫大薺也似薺葉細 又曰薺薺實 說文曰

薺草可食也 毛詩曰誰謂荼苦其甘如薺 禮記

曰孟夏之月靡草死靡草薺薺屬 淮南子曰薺麥冬

生而夏死 抱朴子曰薺麥大蒜仲夏而枯

賦夏侯湛賦曰寒冬之日余登乎城跬步北園觀衆  
草之萎悴覽林果之零殘悲纖條之槁摧慙枯葉之  
飄殫見芳薺之時生被畦疇而獨繁鑽重水而挺茂  
蒙嚴霜以發鮮含盛陽而弗萌在太陰而斯育永安  
性於猛寒羌無寧乎煖燠薺精氣於欵冬均貞固乎  
松竹 齊下伯玉薺賦曰終風掃於暮節霜露交於  
杪秋有萋萋之綠薺方滋繁於中丘

○葱藝文類聚

禮記曰凡進食之禮葱漑處末 又曰膾春用葱脂

用葱 又曰爲君子擇葱薤必絕其本末 爾雅曰  
蒼山葱細莖大葉 春秋元命苞曰天門山上有葱  
所種畦隴悉著行人拔取者悉絕若精神而求節不  
拔自出奇異辛香 莊子曰徐無鬼見武侯曰先生  
居山林厭葱韭今老欲甘酒肉之味耶 又曰春月  
飲酒加葱以通五臟 漢書曰龔遂勸民令人一口  
種五十本葱一畦韭百本薤 東觀漢記曰孔奮字  
君魚爲姑臧長時天下亂河西獨安姑臧長居數月  
輒致資產奮在姑臧四年財物不增唯老母妻子但  
菜食或謂奮曰置脂膏中亦不能自潤 漢武內傳

曰西王母曰仙人上藥有玄都綺葱 劉向別傳曰  
都尉有種葱書曹公旣與先主言細人覘之見其拔  
葱 晉令曰居洛陽內園菜欲以當課者聽其引長  
流灌紫葱可各三畝 西河舊事曰葱嶺在燉煌西  
八十里其山高入上生葱故曰葱嶺 列仙傳曰阮  
丘蛆山上種葱百餘年乃去 邵信臣曰臣太官種  
冬葱生不時之物有傷於人也

唐類函卷一百八十一

此處有極淡的印文，內容難以辨認，似乎是關於地理或物產的記載。

唐類函卷一百八十二

明東吳俞安期彙纂

明梁谿孫源忠校訂

果部一 李 梨 桃 梅

○李一 藝文 類聚

春秋運斗樞曰玉衡星散為李 毛詩曰投我以木

李報之以瓊玖 又曰何彼穠矣華如桃李 又曰

丘中有李彼留之子 又曰北山有李 又曰投我

以桃報之以李 禮記曰食棗桃李弗致于核 注曰為恭

也 敬 左傳曰齊都露霜李房陵縹李 孟子匡章曰

陳仲子豈不誠廉士哉居於陵三日不食耳目無聞見井上有李蠶食實者過半矣匍匐往食之三咽然後耳有聞目有見 列子曰師門嘯父弟子食桃李葩 抱朴子曰五原蔡誕入山而還欺其家人云到崑崙山有玉李形如世間者但光明洞徹而堅以玉井水洗之便軟而可食 韓詩外傳曰子質仕魏文侯獲罪而北遊謂簡王曰吾所樹堂上之士半朝廷之大夫半邊境之人亦半今堂上人惡我於君朝廷之士危我於法邊境之人劫我矣簡王曰夫春樹桃李夏得蔭其下秋得食其實春樹蒺藜夏不得采其

葉秋得其刺焉今子所樹非其人也 世說曰王戎年七歲嘗與諸小兒遊睹道邊李樹有子折枝諸小兒競走取之惟戎不動人問之荅曰樹在道邊而多子此必苦李也取之信然 又曰王安豐有好李常賣之恐人得之常鑽其核 魯安生別傳李少君曰鍾山之李大如瓶 神仙傳曰老子母適到李樹之下生老子生而能言指李樹曰以此樹爲我姓 西京雜記曰漢武初修上林苑羣臣遠方各獻其果樹有合枝李朱李黃李紫李綠李青李綺李青房李顏回李羌李燕李猴李沈朱李浮素李 洞冥記曰琳

國去長安九萬里生玉葉李色如碧玉數十歲一熟  
味酸昔韓衆嘗餌此李因名韓衆李 荊州記曰房  
陵有好李 風土記曰南郡有細李有青皮李 郭  
義恭廣志曰車下李車上李 又曰麥李細小有溝  
道有黃建李青皮李馬肝李赤李房陵李 東方朔  
占曰朔與弟子俱行朔渴令弟子叩道邊家門不知  
室主姓名呼不應朔復往見博勞飛集其家李樹上  
朔謂弟子曰主人當姓李名博勞汝呼當應室中人  
果有姓李名博勞出與朔相見卽入取飲與之 潘  
岳閑居賦曰房陵朱仲之李 文選曰南國有佳人

容華若桃李 古詩曰君子防未然李下不整冠

魏文帝與吳質書曰沈朱李於寒水

李二 初學記

按叙許慎說文曰李果也從木子聲杼古文李爾雅

曰休無實李 郭璞注曰一名趙李 座接慮李 今之麥熟李 駁赤李桃

李醜核棗李曰瘳之 孫炎曰桃李類皆核 漢武內傳

曰李少君謂武帝溟海棗大如瓜鍾山之李大如甌

臣以食之遂生竒光陸翹鄴中記曰華林園有春李

冬華春熟鹽鐵論曰桃李實多者來歲謂之穰本草

曰李根治瘡服其花令人好顏色凡李實熟食之皆



好除固熱調中食之不可合雀肉食又不可臨水上

噉之李皮水煎含之治齒痛事對翠質 青皮上見傳玄

李賦下採春山 沈寒水山海經曰邊春之山多李里人常採之下詳

類南居先熟 東苑已宋周處風土記曰南居細李四月先熟荆州記曰房陵

南居有名李 張華真人篇廬山白 房陵縹魏文

曰未李生東苑 廿瓜出西郊廬山白 房陵縹帝列

異傳曰表本初時有神出河東號度索君人立廟充

州蘇氏母病往禱見二人者白布單衣高冠冠似魚

頭謂度索君曰昔廬山共食白李未久已三千年日

月易得使人恨然去後度索君曰此南海君也下

見傳玄李賦

古歌詞曰桃生露井上李生桃樹傍蟲來齧桃根

李樹代桃僵樹木身相代骨肉還相忘 梁沈約詠

麥李詩曰青玉冠西海碧石彌外區化為中園實其

下成路衢在先良足貴因小邈難逾色潤房陵縹味

奪寒水朱摘持欲以獻尚食且踟躕 梁王筠荅元

金紫餉朱李詩曰穠華春發彩結實下成蹊潘生詠

金谷魏后沈寒谿逢君重妖麗移翫入崇閨慙無瓊

玖報徒用萃幽棲 陳江總詠李詩曰嘉樹春風早

春風花落新但見成谿處幾得正冠人當知露井側

復與天桃鄰 唐太宗賦得李詩曰玉衡流桂圃成

蹊正可尋鶯啼密葉外蝶戲脆花心麗景光朝彩輕

煙散夕陰暫顧暉章側還眺靈山林 又探得李詩

吳郡 卷一百八十二 李

曰盤根植瀛渚交榦橫倚天舒華光四海卷葉蔭三川

**賦**西晉傅玄李賦曰植中州之名果兮結脩根於芳園嘉列樹之蔚蔚兮美弱枝之爰爰既乃長條四布密葉重陰夕景迴光傍蔭蘭林於是肅肅晨風飄飄落英潛實內結豐彩外盈翠質朱變形隨運成清角奏而微酸起大宮動而和甘生既變洽熟五色有章種別類分或朱或黃甘酸得適美逾蜜房浮彩點駁赤者如丹入口流濺逸味難原見之則心悅含之則神安乃有河沂黃建房陵縹青一樹三色異味殊名乃上代之所不覩今咸升御乎紫房周萬國之口實今充薦饗於神靈昔怪古人之感貺乃答之以寶瓊旣斯味之奇瑋兮然後知報之為輕

○桃藝文類聚

春秋運斗樞曰玉衡星散為桃 毛詩曰何彼穠矣華如桃李平王之孫齊王之子 又曰園有桃其實之斂 又曰桃之夭夭灼灼其華桃之夭夭其葉蓁蓁 又曰投我以木桃報之以瓊瑤 尚書曰武王克商放牛於桃林之野 禮記月令曰仲春之月桃始華 周禮曰饋食之籩其實棗栗桃 易通卦驗

驚蟄曰大壯初九桃不花倉庫多火 鍾離意別傳  
 曰秦吏以私恨告民吳旦生盜食宗廟御桃旦生對  
 曰民不敢食也王曰剖其腹出其桃史記惡而書之  
 曰食桃之肉當有遺核王不知此而剖人腹以求桃  
 非理也 風俗通曰黃帝書稱上古之時有兄弟二  
 人茶與鬱律度索山上桃樹下簡百鬼妄禍人則縛  
 以葦索執以食虎於是縣官以臘除夕飾桃人垂葦  
 索畫虎於門效前事也 莊子曰插桃枝於戶連灰  
 其下童子入而不畏而鬼畏之是鬼智不如童子也  
 晏子曰公孫捷田開疆古冶子事景公勇而無禮

晏子言於公餽之二桃曰三子計功而食桃公孫曰  
 吾再拜隱虎功可以食田曰吾杖兵而御三軍者再  
 功可以食古冶子曰吾嘗濟河鼃銜左驂冶潛行水  
 底逆流百步從流九里得鼃頭功可以食二子曰吾  
 勇不若子功不逮子取桃不讓是貪也然而不死無  
 勇也刎頸而死冶曰二子死之冶獨不逮又刎頸而  
 死 韓子曰昔者彌子瑕有寵於衛君與君遊於果  
 園食桃而甘以其半啖君君曰忠乎忘其口而啖寡  
 人及彌子瑕色衰愛弛得罪於君君曰是故嘗啖我  
 以餘桃 又曰孔子侍坐於魯哀公哀公賜之桃與

黍仲尼先飯黍而後噉桃哀公曰黍以雪桃也對曰  
丘知之矣夫黍五穀之長而桃爲下君子以賤雪貴  
不聞以貴雪賤也 孫卿子曰桃李萑粲於一時時  
至乃殺 鹽鐵論曰桃李之實多者來歲足穰 戰  
國策曰孟嘗君將入秦蘇秦往見之孟嘗曰人事者  
吾已知之所未聞者獨鬼事耳秦曰臣之來固且以  
鬼事見君矣臣來過淄上有土偶人焉與桃梗相與  
語桃梗謂土偶人曰子西岸之土也埏子以爲人至  
歲八月降雨下淄水至則子殘矣曰不然吾西岸之  
土殘則復西岸耳子東園之桃梗也刻削子以爲人

降雨下淄水至流子而去則子漂漂者將何如矣今  
秦四塞之國譬如虎口而君入之則臣不知君所如  
矣孟嘗乃止 史記曰桃李不言下自成蹊 漢書  
曰惠帝五年十月桃花 漢武故事曰東郡獻短人  
呼東方朔朔至短人因指朔謂上曰西王母種桃三  
千歲爲子此兒不良也已三過偷之矣後西王母下  
出桃七枚母因噉二以五枚與帝帝留核著前母問  
曰用此何上曰此桃美欲種之母笑曰此桃三千年  
一著子非下土所植也 晉起居注曰咸和六年寧  
州上言甘露降城北園林桃李等樹 世說曰桓玄

素輕桓崖桓崖在京京下有桃玄連就求遂不辦  
 得佳者玄與殷仲文書以為嗤笑曰德之休明肅慎  
 貢其楛矢如其不爾籬壁間物亦不可得 列仙傳  
 曰得綏山一桃雖不能仙亦足以豪詳 尹喜內傳  
 曰老子西遊省太真王母共食碧桃紫梨 神仙傳  
 曰樊夫人與劉剛俱有道術各自言勝中庭有大桃  
 樹夫妻各呪其一桃便鬪相擊良久所呪樹走出籬  
 外 又曰張陵沛人也弟子趙升就凌受學陵以七  
 事試之第七試者陵與諸弟子登雲臺山絕巖上有  
 一桃樹旁生石壁下臨不測去三四丈有桃大實陵

謂諸弟子曰得此桃者當告以道要弟子皆流汗無  
 敢視者升曰神人所護何險之有乃從上自擲正投  
 桃樹上取桃滿懷而石壁峻峭不能得還乃擲桃樹  
 上二百二枚陵分桃賜諸弟子餘二枚陵自食一畱  
 一以待升陵乃申手引升升忽已還乃以向一桃與  
 升 又曰高丘公服餌桃膠得仙 甄異傳曰譙郡  
 夏侯文規亡後見形還家經庭前桃樹邊過曰此桃  
 我昔所種子乃美好其婦曰人言亡者畏桃君何不  
 畏耶荅曰桃東南枝長二尺八寸向日者憎之或亦  
 不良也 山海經曰桃樹屈蟠三千里 十洲記曰

東海有山名度索山有大桃樹屈盤數千里曰蟠桃  
拾遺記曰崑崙山去扶桑五萬里日所不及地寒  
則桃樹千圍其花青黑色萬歲一實西京雜記曰  
漢明帝時常山獻巨桃核其桃霜下花至暑方熟使  
植園林又曰漢武初修上林苑羣臣遠方各獻名  
果有緇核桃紫文桃霜桃霜下可食金城桃歲時記曰  
桃者五行之精壓伏邪氣制百鬼地志曰有桃花  
塢桃花綬鄴中記曰石虎苑中有勾臯桃重二斤  
半晉宮閣名曰華林園桃七百三十八株白桃三  
株侯桃三株鄧德明南康記曰南康玉山有石桃

故老云古有寒桃生於嶺巔隱淪之士將大取其實  
因變成石焉玄中記曰木子之大者有積石山之  
桃實焉大如十斛籠妬女記曰武歷陽女嫁阮宣  
武絕忌家有一桃樹華葉灼耀宣歎美之即便大怒  
使婢取刀斫樹摧折其華本草曰臯桃在樹不落  
殺百鬼王桃服之長生不老典術曰桃者五木之  
精也故壓伏邪氣制百鬼故今人作桃符著門上壓  
邪氣此仙木也淮南萬畢術曰孤桃枝之券令雞  
夜鳴取孤桃南北行枝長三尺折以為券塗以三歲雄雞血夜居棲下則鳴離騷曰  
斬伐橘柚列樹苦桃文選曰南國有佳人容華若

桃李 又曰豔陽桃李節 古詩曰桃生露井上

陶潛桃花源記曰晉太康中武陵人捕魚從谿而行忽逢桃花林夾兩岸數百步無雜木芳華芬蔓落英繽紛漁人異之前行窮林林盡見山山有小口髣髴有光便捨船步入初極狹行四五十步豁然開朗邑室連接雞犬相聞男女被髮怡然並足見漁人大驚問所從來要還為設酒食云先世避秦難率妻子來此遂與外隔絕不知有漢無論魏晉也既出白太守太守遣人隨而尋之迷不復得路

桃二初學記

按叙爾雅曰桃李醜核桃曰膽之膽擇取其美者太清諸卉

木方曰酒漬桃花而飲之除百病好容色

甘實上詳類聚見傅玄桃賦下宜五沃 巳三偷管子曰五沃之上其

木宜桃下詳類聚紫文 青色上詳類聚王母以七月七日降帝宮命侍女素桃須臾以玉盤盛桃七枚如鴨卵形圓青花

色青以呈王母王母以五枚與帝自食二枚

紅萼上詳類聚謝靈運詩曰絳核上詳類聚綬花上詳類聚

應劭漢官儀曰二千野蔴漸紫苞上詳類聚植霜園上詳類聚

拾遺記曰漢明帝常山獻巨核武陵源 洛陽路上詳類聚

類聚宋子侯董嬌嬈詩曰洛陽城東路桃李生路傍花自相對葉葉自相當春風南北起花葉自低昂

詩 梁簡文帝詠初桃詩曰初桃麗新采照地吐其芳

枝間留紫鸞葉裏發輕香飛花入露井交榦拂華堂  
 若映牕前柳懸疑紅粉妝 梁任昉詠池邊桃詩曰  
 已謝西王苑復捐綏山枝聊逢賞者愛棲趾傍蓮池  
 開紅春灼灼結實夏離離 隋蕭愨奉和詠龍門桃  
 花詩曰舊聞開露井今見植龍門樹少知非塞花高  
 異少原論時應未發故欲影歸軒祗言經摘罷猶勝  
 逐風翻 孔紹安應詔詠天桃詩曰結葉還臨影飛  
 香欲徧空不意餘花落翻沈露井中 唐太宗詠桃  
 詩曰禁苑春暉麗花蹊綺樹裝綴條深淺色點露參  
 差光向日分千笑迎風共一香如何仙嶺側獨秀隱

逢芳

晉傅玄桃賦曰有東園之珍果今承陰陽之靈和  
 結柔根以列樹兮豔長畝而駢羅夏日先熟初進廟  
 堂辛氏踐秋厥味益長花落實結與時剛柔既甘且  
 脆入口消流亦有冬桃冷伴水霜和神適意恣口所  
 嘗華升御於內庭兮飾佳人之令顏實克虛而療飢  
 兮信功烈之難原嘉休牛於斯林兮悅萬國之又安  
 望海島而慷慨兮懷度索之靈山何茲樹之獨茂兮  
 條枝紛而麗閑根龍虬而雲結兮彌萬里而屈盤禦  
 百鬼之妖慝兮列神荼以司奸辟凶邪而濟正兮豈



果音 卷一百一十二  
唯榮美之足言 宋伍緝之園桃賦曰嗟王母之奇  
果特華實兮兼副既陶煦以夏成又凌寒而冬就嗟  
異殖兮難拔亦晚枯兮先歲農黃品其味漢帝驚其  
珍林休反耕之牛宅樹同惡之神景斃勇於不足彌  
增罪於甘分雖無言兮成蹊叵充肴於魏君時令載  
始周南申童瞻擇有制藥齊惟良魯拂樞以悔荆楚  
供弧以事王 陳張正見衰桃賦曰巖巖秀峰吐桂  
榮松獨夭桃之灼灼輕擢米於寒蹤爾乃萬株成錦  
千林似翼苔畫波文花然樹色發秦源而逸氣飄漢  
綬而流芳譬蘭缸之夜炷似明鏡之朝妝成蹊列逕

光崖豔汜間真定之蒼梨雜房陵之縹李紛芳難歇  
照曜無儔舒若霞光欲起散似電米將收既而風落  
新枝霜飛故葉歎垂釣之妖童怨傾城之麗妾

梁江淹山桃頌曰惟園有肴惟山有叢丹蘄擊露  
紫榮繞風引霧如電映煙成虹伊春之秀迺華之榮

○梅一藝文類聚

毛詩曰標有梅其實七兮序曰標有梅男女及時被  
文王之化也 又曰山有嘉卉侯栗侯梅 尚書曰  
若作和羹爾惟鹽梅 大戴禮夏小正曰五月煮梅  
爲豆實 詩義疏曰梅曝乾爲腊羹臠中又可以

含之口香 淮南子曰梅以為百人酸不足一梅不足為一人之酸喻眾能濟 東方朔傳曰朔門生三人俱行乃見一鳩一生曰今當有酒一生曰其酒必酸一生曰雖得酒不得飲也三生皆到須臾主人出酒即安樽於地而覆之訖不得酒乃問其故曰出門見鳩飲水故知得酒鳩飛集梅樹故知酒酸鳩飛去所集枝折故知不得飲之 神異經曰橫公魚長七八尺形狀如鯉而目赤晝在湖中夜化為人刺之不入煮之不死以烏梅二七煮之即熟食之治邪病 語林曰范汪能噉梅人嘗致一斛奩留汪食之須臾

盡

西京雜記曰上林有雙梅紫梅同心梅麤枝梅

伍端休江陵記曰洪亭村下有梅迴村舊云是梅

槐合生成樹是以名之今音訛謂之梅迴 述異記

曰嘉興縣朱休之有一弟宋元嘉中兄弟對坐家有

一犬來向休之蹲遍視二人遂搖頭而笑曰言我不

能歌聽我歌梅花今年故復可奈汝明年何其家驚

懼斬犬榜首路側至來歲梅花時兄弟相鬪弟奮戰

傷兄官收治並被囚繫經歲得免至夏舉家時疾母

及兄弟皆死 吳氏本草曰梅核能明目益氣不飢

文選曰今朝梅樹下定有詠花人

梅二初學

案毛詩義疏曰梅杏類也樹及葉皆如杏而黑耳西  
 京雜記曰漢初修上林苑羣臣各獻名果有侯梅朱  
 梅紫花梅同心梅紫帶梅燕脂梅麗友梅宋書曰武  
 帝女壽陽宮主臥含章簷下梅花落公主額上成五  
 出花拂之不去皇后留之自後有梅花妝廣志曰蜀  
 名梅為蓀大如鴈子梅蓀皆可以為油黃梅以熟蓀  
 作之蓀音老紫帶 白花上詳叙事 一枝 三實劉向說苑曰越使  
 草木日滋長梅花覆 一 枝 三實諸發執一枝梅遺  
 樹白桃杏發榮光 韓子顧左右曰惡有一枝梅  
 乃遺制國之君乎 毛詩曰標有梅其實三兮明目

香口

並詳類聚

雲山乾腊

洛溪繁榮

山海經曰雲山之上其實乾腊

郭璞注曰腊乾梅也 潘岳閑居賦曰退而閑居于洛之矣又曰梅杏郁棣之屬繁榮麗藻之飾華實照爛言所不能及也

梅三白帖

傾筐

詩標有梅傾筐暨之

調鼎

止渴

魏武帝與軍士失道大渴

而無水遂令曰前有梅林結子甘酸可以止

渴士卒聞之皆口中水出遂得及前源也

苦酸

鮑

詩食梅

庾嶺

大庾嶺上梅南

墓門

詩墓門

醉杏爾雅

常苦酸

乾蓀

周禮饋食之遵

嘉卉

詩詳

生梅吳志

實酢

乾蓀

實乾蓀乾蓀梅也

嘉卉

類聚

生梅孫亮

之詠見彼詩人

落梅之歌聞諸樂府

古樂府有落梅之曲

吳不

卷二十八

梅

梁簡文帝雪裏覓梅花詩曰絕訝梅花晚爭來雪裏窺下枝低可見高處遠難知俱羞惜腕露相讓道腰羸定須還剪綵學作兩三枝  
 梁元帝詠梅詩曰梅含今春樹還臨先日池人懷前歲意花發故年枝  
 梁鮑泉詠梅花詩曰可憐階下梅飄蕩逐風迴度簾拂羅幌縈牕落梳臺乍隨纖手去還因插鬢來客心屢看此愁眉歛詎開  
 梁何遜詠早梅詩曰兔園標物序驚時最是梅銜霜當路發映雪擬寒開枝橫却月觀花繞凌風臺知應早飄落故逐上春來  
 梁王筠和孔中丞雪裏梅花詩曰冰泉猶未動庭樹已

先知翻光同雪舞落素混冰池今春競時發猶是昔年枝唯有長顛顛對鏡不能窺  
 梁庾肩吾同蕭左丞詠摘梅花詩曰牕梅朝始發庭雪晚初消折花牽短樹幽叢入細條垂冰溜玉手含刺冒春腰遠道終難寄馨香徒自饒  
 周庾信詠梅花詩曰常年臘月半已覺梅花闌不信今春晚俱來雪裏看樹動懸冰落枝高出手寒早知覓不見真悔著衣單  
 陳陰鏗詠雪裏梅詩曰春近寒雖轉梅舒雪尚飄從風還共落照日不俱銷葉開隨足影花多助重條今來漸異昨向晚判勝朝  
 陳謝燮早梅詩曰迎春故早發獨

自不疑寒畏落衆花後無人別意看 陳江總梅花  
落詩曰臘月正月早驚春衆花未發梅花新梅花芬  
芳臨玉臺朝攀晚折還復開滿酌金卮催玉柱落梅  
樹下宜歌舞金谷萬株連綺薨梅花隱處隱嬌鶯桃  
李佳人欲相照摘葢牽花來並笑楊柳條青樓上輕  
梅花色白雪中明橫笛短簫悽復咽誰知拍梁聲不  
絕

**賦** 梁簡文帝梅花賦曰層城之宮靈苑之中奇木萬  
品庶草千叢光分影雜條繁榦通寒圭變節冬灰徙  
簫並皆枯悴色落摧風年歸氣新搖芸動塵梅花特

早偏能識春或承陽而發金乍雜雪而披銀吐艷四  
照之林舒榮五衢之路旣玉綴而珠離且冰懸而雹  
布葉嫩出而未成枝抽心而挿故標半落而飛空香  
隨風而遠度挂靡靡之遊絲雜霏霏之晨霧爭樓上  
之落粉奪機中之織素乍開花而傍嚙或含影而臨  
池向玉階而結彩拂網戶而低枝七言表柏梁之詠  
三軍傳魏武之奇於是重閨佳麗貌婉心媚怜早花  
之驚節訝春光之追寒袂衣始薄羅袖初單折此芳  
花舉茲羅袖或挿鬢而問人或殘枝而相授恨鬟前  
之太空嫌金鈿之轉舊顧影丹墀弄此嬌姿洞開春

崩四卷羅帷春風吹梅畏落盡賤妾爲此斂蛾眉花  
色持相比恒愁恐失時 陳暄食梅賦曰魏無林而  
止渴范留信而先嘗賜一時之名果遂懷核而矜莊  
昔詠酸棗之臺今食酸味之梅眼同曹瞞之見口形  
異韋誕之聞雷習既咽而思鳩杖悶欲死而想仙杯  
非投壺而天笑等王孫而客哈

○梨藝文類聚

毛詩曰蔽芾甘棠勿剪勿伐注曰棠杜也一曰梨而小也莊子  
曰三王五帝之禮義法度不同譬其猶楯梨橘柚耶  
其味相反而皆可於口 漢武內傳曰太上之藥果

有玄光梨 曹瞞傳曰王自漢中至洛陽起建始殿  
使工蘇越往徙美梨掘之根盡血出越白狀王躬自  
視之以爲不祥遂寢疾 文士傳曰孔融年四歲  
與諸兄食梨輒取其小者人問其故荅曰小兒法當  
取小者 神仙傳曰介象爲吳主所徵在武昌連求  
去不許象言病帝以美梨一奩賜之象死殯而埋之  
以日中時死其晡時到建業以主所賜梨付守苑吏  
種之 尹喜內傳曰老子西遊省太真王母共食碧  
梨紫梨 神異經曰東方有樹高百丈敷張自轉葉  
長一丈廣六尺名曰梨其子徑三尺剖之白如素食

之地仙可入水火 洞冥記曰塗山之背梨大如升  
 色紫千年一花亦曰紫輕梨 幽明錄曰成彪兄喪  
 晝哭夜泣兄提二升酒一盤梨就之引酌相勸彪問  
 略荅彪悲咽問兄今在天上福多苦多久弗應肅然  
 無言瀉餘酒著甌中挈鬯而去 辛氏三秦記曰漢  
 武帝園一名樊川一名御宿有大梨如五升甌落地  
 則破其主取者以布囊承之名含消梨 永嘉記曰  
 青田村人多種梨有一株名曰官梨一圍五寸以供  
 獻名御梨 廣志曰洛陽北邙張公夏梨海內唯一  
 一樹廣都梨重六斤數人分食之有常山真定山陽

鉅野梨梁國睢陽梨齊都臨淄鉅鹿棗梨上黨棗梨  
 小而甘新豐箭谷梨關以西梨多供御 南康記曰  
 歸山石城內有梨熟人食其實任意取足持歸家人  
 嗽輒病或顛仆失徑亡命味似秋梨 潘岳閑居賦  
 曰張公大谷之梨 魏文詔曰真定御梨大若拳甘  
 若蜜脆若麥可解煩釋一畝 何晏九州論曰安  
 平好棗中山好栗魏郡好杏河內好稻真定好梨  
 傅巽七誨曰襄陽黃梨

梨二初學記

許慎說文曰梨果也從木利聲漢書曰淮北榮南河

濟之間千樹梨此其人皆與千戶侯等晉令曰諸官秩梨守護者置吏一人

**御宿**

上見謝眺謝梨啓下詳類聚

大谷

鉅野

並詳類聚

生玄圃

種青田

上見王讚梨頌下詳類聚

甘香

津潤

韓子曰夫樹相梨橘柚者食之

則甘嗅之則香賦曰紫梨津潤榛栗縛發左思蜀都

**詩**梁沈約西地梨詩曰列茂河陽苑蓄紫濫觴隈翻

黃秋沃若落素春徘徊又應詔詠梨詩曰大谷來

既重岷山道有難摧折非所吝但令人玉盤梁劉

孝綽於座應令詠梨花詩曰玉壘稱津潤金谷詠芳

菲詎匹龍樓下素葉映華屏雜雨疑霰落因風似蝶

飛豈不怜飄墜入九重闈後梁宣帝大梨詩曰

大谷常流稱南荒本足珍綠葉已承露紫實復含津

**頌**晉王讚梨樹頌曰太康十一年梨樹四枝與中枝

合生于園皇太子令侍中頌之嘉木時生瑞我皇祚

脩榦外揚隆枝內附昱昱皇儲克光其敬神啓其和

人隆其盛降自玄圃合體連性時惟令月躬親北林

樂在同人如蘭如金木之期應乃同其心同心之生

啓自神明在心斯動於言斯形先民有則稱詩表情

惟永作歌以休厥靈

**贊**宋孝武帝梨花贊曰沃瘠異壤舒慘殊時惟氣在



春具物合滋嘉樹之生于彼山基開榮布采不離塵  
緇

齊謝朓謝隋王賜紫梨啓曰味出靈關之陰旨介  
玉津之滋豈徒真定歸美大谷慚滋將恐帝臺妙棠  
安期靈棗不得孤擅玉盤獨甘仙席雖秦君傳器漢  
后推餐望古可儔於今何荅 梁庾肩吾謝賚梨啓  
曰睢陽東苑子圍三尺新豐箭谷枝懸六斤未有生  
因粉水產自銅丘影連鄧橘林交苑柿遠薦中厨爰  
頒下室事同靈棗有願還年恐似仙桃無因畱核

○甘一 藝文類聚

神異經曰東方裔外有建春山其上多甘 謝承後  
漢書曰丹陽張盤字子石爲廬江太守潯陽令嘗餉  
一奩甘其小男年七歲就取一枚盤奪其甘外卒以  
兩枚與之盤奪兒甘鞭卒曰何故行賂於吾子 古  
今注曰甘實形如石榴者亦謂之壺甘 風土記曰  
甘橘之屬滋味甜美特異者也有黃者有頰者謂之  
胡甘 襄陽記曰李衡字叔平於武陵龍陽洲上種  
甘千樹臨終勅其子曰龍陽洲裏有千頭木奴及甘  
橘成歲得絹數千匹 郭義恭廣志曰有甘一核有  
成都平蒂甘大如升色蒼黃犍爲南安縣出黃甘

述異記曰南陽郡東望山有人入山山頂有果林衆果畢植行列整齊如人工甘正熟三人共食致飽訖懷二枚欲以示人聞雲中語云催放雙甘乃聽汝去崔寔正論曰橘柚之實堯舜所不常御山龍華蟲帝王不以爲褻服今之臣妾皆餘黃甘而厭文繡者蓋以萬數矣 晉書曰王羲之嘗抱弱孫遊觀有一味甘剖而分之以娛目前

甘二 初學記

盛之荆州記曰宜都郡舊江北甘園名宜都甘事對平蒂 圓實 上詳類聚 胡濟甘賦曰三秋迭披黃

苞

系丹實

潘岳笙賦曰披黃苞以授甘傾縹窵以酌醴 劉韶甘樹賦曰豐條翠葉系以

西平更生

東望共食

范甯表曰南昌令解列西平里有一甘樹佑死一年

後以今年更生枝葉豐茂

若菱華

侔萍實 上見胡齊黃甘

賦 下見謝惠連甘賦

超玉果

若金璫

上見胡齊甘賦 下見謝惠連賦

詩 梁徐陵詠甘詩曰朱實挺荆南苞品擅珍淑上林雜嘉樹江浦間脩竹萬室擬封家千株挺荆國綠葉萋以布素榮芬且郁得陳終宴歡良垂雲雨育

賦 晉胡濟黃甘賦曰惟江南之奇果資天地之正陽生殊方之妙域植朱島之遐鄉處漢之南背江之陰左協蘭臯右接桂林帶激水之清流向崇山之高岑

三秋迭運初寒履霜照耀原隰陰映林荒若菱華之  
繡綺井燭龍之銜金璫 劉瑾甘樹賦曰伊冥造之  
綿綿兮纒羣象於成遇嗟卉草之森秀兮將歸美於  
甘樹誕寄生於南楚兮播萬里而東布浸冷泉以搖  
根兮竦逸條以承露結密葉以舒蔭兮滌纖塵以開  
素仰清氣以旭晨兮流惠颺於薄暮雖飛榮於園沼  
兮契巒松之貞趣時屢遷而彌真兮凌寒暑而一度  
宋謝惠連甘賦曰嘉寒園之麗木美獨有此貞芳  
質歲蕤而懷風性耿介而凌霜擬夕霞以表色指朝  
景以齊圓侔萍實乎江介超玉果於崑山傾子節兮

湘之區承君翫兮堂之隅濯雨兮冒霜長無絕兮芬  
敷

**贊**晉王升之甘橘贊曰節重履險操貴有恒二樹保  
榮四運齊能在質惟美於味斯弘異分南域北則枳  
橙

**頌**梁宗炳甘頌曰煌煌嘉實磊如景星南金其色隋  
珠其形

**啓**梁劉孝儀謝晉安王賜甘啓曰便得削彼金衣咽  
茲玉液甘踰萍實冷亞冰壺立消煩餉頓除醪酎近  
嗤齋相進不剖之實遠笑魏君逢裂牙之味 梁庾

肩吾謝湘東王賚甘啓曰傳名地理遠自武陵之洲  
 族茂神經遙聞建春之嶺王逸爲賦取對荔枝張衡  
 制辭用連石蜜足使萍實非甜蒲萄猶餉

和其派

宗兩甘啓曰數數嘉實器收景呈前金其四

滋

榮四賦齊並奇實郵美公和洪公異公前越此賦

晉王代之甘辭贊曰消重製劍製貴存回二樹

然

清文百卷一百八十二

